

戰國策正解

八

U 8
211
8



何
211
8

戰國策正解卷九上

橫田惟孝著

燕上

文公 凡三章

奉陽君李兌甚不取於蘇秦。蘇秦在燕，李兌因為蘇秦謂秦陽君曰：齊燕離則趙重，齊燕合則趙輕。今君之齊，非趙之利也。臣竊為君不取也。燕烏賢反國名，下皆效此不復。

音為于偽反下同。○下李兌非誤則行。今君之下，疑脫合字，謂合燕於齊也。奉陽君曰：何吾合燕於齊？疑何吾對曰：夫制於燕者，蘇子也。而燕弱國也。東不如齊，西不如趙，豈能東無齊，西無趙哉？而

東
文
公

戰國策卷九上
後影用

君甚不善蘇秦蘇秦能抱弱燕而孤於天下哉是驅

燕而使合於齊也夫音扶○燕無齊趙則不能孤立

驅燕而使合於齊也且燕亡國之餘也其以權立以重外以事

貴愚按亡國之餘謂齊破燕之後昭王之時也而此

相合哉且下王噲策曰燕王噲既立蘇秦死於齊秦

之成在王噲時今客為秦說安得豫曰亡國之後哉

亦取之以疑燕齊燕齊疑則趙重矣齊王疑蘇秦則

君多資取之謂與之交齊疑燕合於趙則燕亦不信

則必事李兌故多資奉陽君曰善乃使使與蘇秦結交下使所

考異

坊本奉陽君下無李兌二字

蘇秦將為從北說燕文侯曰燕東有朝鮮遼東北有

林胡樓煩西有雲中九原南有呼沱易水塞方二千

餘里帶甲數十萬車七百乘騎六千匹粟支十年南

有碣石鴈門之饒北有棗栗之利民雖不由田作棗

粟之實足食於民矣此所謂天府也從子容反下除

始銳反朝鮮上音潮下音仙數色主反下同乘夫安

樂無事不見覆軍殺將之憂無過燕矣大王知其所

以然乎夫燕之所以不犯冠被兵者以趙之為蔽於

其南也夫音扶下同樂音洛將子匠反秦趙五戰秦

再勝而趙三勝秦趙相敵而王以全燕制其後此燕

之所以不犯難也。難乃旦反。○五戰假設之辭也。秦

所以不犯冠難也。且夫秦之攻燕也，踰雲中九原，過代上谷，

彌地踵道數千里，雖得燕城，秦計固不能守也。秦之

不能害燕亦明矣。彌猶且踵猶行也。言秦攻燕之難也。今趙之攻燕也，

發興號令不至十日，而數十萬之眾軍於東垣矣。度

呼沱，涉易水，不至四五日，而距國都矣。至燕都也。故曰秦

之攻燕也，戰於千里之外。趙之攻燕也，戰於百里之

內。夫不憂百里之患，而重千里之外，計無過於此者。

是故願大王與趙從親，天下為一，則國必無患矣。過愆

也。燕王曰：寡人國小，西迫強秦，南近齊趙，齊趙強國

也。今主君幸教詔之，合從以安燕，敬以國從。於是齊

蘇秦車馬金帛，以至趙。

考異

坊本二千下無餘字，雖不下無由字，發興號令作發號出令，高本五日下無而字，坊本南

近作促近強國下無也字。

權之難。燕再戰不勝，趙弗救。難乃旦反。○權之噲子

謂文公曰：不如以地請合於齊。趙必救我，若不吾救，

不得不事。關君長曰：趙若不救我，則我不文公曰：善。

令郭任以地，請講於齊。趙聞之，遂出兵救燕。令力呈反。

考異

曾本後齊趙下，更添齊趙二字。

易王

凡二章。

燕文公時。秦惠王以其女為燕太子婦。文公卒。易王

立。齊宣王因燕喪攻之。取十城。武安君蘇秦為燕說

齊王。再拜而賀。因仰而弔。卒子律反。為于偽反。說始

弔。應有其辭。史不錄耳。齊王按戈而却。曰。此一何慶弔相隨之

速也。却。使秦退也。對曰。人之飢所以不食烏喙者。以為雖

偷充腹而與死同患也。烏喙。毒藥也。偷。苟且也。今燕雖弱小。強

秦之少婚也。王利其十城。而深與強秦為仇。今使弱

燕為鴈行。而強秦制其後。以招天下之精兵。此食烏

喙之類也。少。詩照反。行。戶郎反。○鴈行。見韓齊王曰。

然則奈何。對曰。聖人之制事也。轉禍而為福。因敗而

為功。故桓公負婦人而名益尊。韓獻開罪而交愈固。

此皆轉禍而為福。因敗而為功者也。負。婦人。蓋謂負

桓公與蔡姬乘舟。蕩公怒。歸之。未絕。蔡人嫁之。明年。侵蔡。遂伐楚。事見僖三年左傳。因婦事。侵蔡。負婦

人之累也。遂伐楚。而楚服。名益尊也。楚伐鄭。晉救之。鄭與楚成。荀桓子欲還。羸子不可。韓獻子謂桓子曰。

羸子以偏師陷。子罪大矣。不如進也。與其專罪。六人

同之。遂戰于邲。而敗績。事見宣十二年左傳。其勸戰

而敗。闕罪也。六卿王能聽臣。莫如歸燕之十城。卑辭

以謝秦。秦知王以己之故歸燕城也。秦必德王。燕無

故而得十城。燕亦德王。是棄強仇而立厚交也。且夫

燕秦之俱事齊。則大王號令天下皆從。是王以虛辭

附秦。而以十城取天下也。此霸王之業矣。所謂轉禍

後三子

為福因敗成功者也。

夫音扶，霸王之王于况反。關君長曰：以虛辭附秦，即卑辭以

謝秦而不以物隨也故曰虛辭齊王大說，乃歸燕城以金千斤謝其

後頓首塗中，願為兄弟，而請罪於秦。說音悅。鮑彪曰：塗泥也。自卑

之甚

考異

坊本奈何下有字，業下無矣字。

人有惡蘇秦於燕王者，曰：武安君天下不信人也。王

以萬乘下之，尊之於廷，示天下與小人羣也。武安君

從齊來，而燕王不館也。乘繩證反。下遐嫁反。館如聘禮，公館賓之館，謂就其館

而見也謂燕王曰：臣東周之鄙人也，見足下身無咫尺

之功，而足下迎臣於郊，顯臣於廷，今臣為足下使，利

得十城，功存危燕，足下不聽臣者，人必有言臣不信

傷臣於王者。為于偽反。下自為為人同。使所吏反。○使謂使齊也。臣之不信，是

足下之福也。使臣信如尾生，廉如伯夷，孝如曾參，三

者，天下之高行也，而以事足下，不可乎？燕王曰：可。曰：

有此臣，亦不事足下矣。且夫孝如曾參，義不離親，一

夕宿于外，足下安得使之之齊？廉如伯夷，不取素餐，

汙武王之義，而不臣焉。辭孤竹之君，餓而死於首陽

之山，廉如此者，何肯步行數千里而事弱燕之危主

乎？信如尾生，期而不來，抱梁柱而死，信至如此，何肯

揚燕秦之威於齊，而取大功乎哉？參所金反。高行之行下孟反。下信行

同、夫音扶、下且夫夫忠同、離力智反、下同、數色主反、○素空也、期、謂與女子期、且夫信行者

所以自為也。非所以為人也。皆自覆之術。非進取之

道也。覆扶又反、下同、○皆皆信廉孝也、且夫三王代興五霸迭盛皆

不自覆也。君以自覆為可乎。則齊不益於營丘。足下

不踰境。不窺於邊城之外。君當作若、字之誤也、前後皆曰足下、此不可獨曰君

營丘太公封地且臣有老母於周。離老母而事足下。去自覆

之術。而謀進取之道。臣之趣固不與足下合者。足下

者。自覆之君也。僕者。進取之臣也。所謂以忠信得罪

於君者也。去起呂反燕王曰。夫忠信又何罪之有也。對曰。

足下不知也。臣鄰家有遠為吏者。其妻私入。其夫且

歸其私之者。憂之。其妻曰。公勿憂也。吾已為藥酒。以

待之矣。後二日。夫至。妻使妾奉卮酒進之。妾知其為

藥酒也。進之。則殺主父。言之。則逐主母。乃陽僵棄酒。

主父大怒而笞之。故妾一僵而棄酒。上以活主父。下

以存主母也。忠至如此。然不免於笞。此以忠信得罪

者也。臣之事。適不幸而有類妾之棄酒也。奉芳勇反且臣

之事。足下尤義益國。今乃得罪。臣恐天下後事。足下

者。莫敢自必也。尤苦浪反、○言莫下敢自期、尤高王義利益燕國也、且臣之說

齊。曾不欺之也。使說齊者。莫如臣之言也。雖堯舜之

智。不敢取也。說始銳反、○言齊不敢取其說也、

戰國策上角

卷九上

六

後周園雍

考異

坊本見足下有初見二字蓋注文一本無初見二字有臣亦不事足下矣七字坊本臣

之上有且字高本高行下無也字坊本不可乎高本且夫孝上有蘇秦曰三字餐作滄坊本不臣下無焉字高本踰境間有楚字坊本足下者作足下皆故妾一僵而棄酒作妾之棄酒四字高本使說間有之字

王噲凡七章

蘇秦死其弟蘇代欲繼之乃北見燕王噲曰臣東周之鄙人也竊聞王義甚高甚順鄙人不敏竊釋鉏耨而干大王至於邯鄲所聞於邯鄲者又高於所聞東周臣竊負其志乃至燕廷觀王之羣臣下吏大王天下之明主也言自負如其志之所欲乃至燕廷觀羣臣下吏王果天下之明主也言觀臣知

也王曰子之所謂天下之明主者何如者也對曰臣聞之明主者務聞其過不欲聞其善臣請謁王之過夫齊趙者王之仇讎也楚魏者王之援國也今王奉仇讎以伐援國非所以利燕也王自慮此則計過無以諫者非忠臣也夫音扶下同王曰寡人之於齊趙也非所敢欲伐也關君長曰王初見代不欲露其情也曰夫無謀入之心而令人疑之殆有謀入之心而令人知之拙謀未發而聞於外則危今臣聞王居處不安食飲不甘思念報齊身自削甲札妻自組甲緝曰有大數矣有之乎令力呈反聞於之聞音問處昌呂反下同○報齊謂報因喪見伐之怨也關君長曰組謂織組也緝

緝也謂自織於穿甲之組也數猶計也言削札組王緝者以有報伐齊仇之大計也是代述王言也

曰子聞之寡人不敢隱也我有深怨積怒於齊而欲

報之二年矣齊者我讎國也故寡人之所欲伐也直

患國敝力不足矣子能以燕敵齊則寡人奉國而委

之於子矣積子賜及下同○子聞之言代既聞外言敝疲敝力兵力也對曰凡天

下之戰國七而燕處弱焉獨戰則不能有所附則無

不重南附楚則楚重西附秦則秦重中附韓魏則韓

魏重且苟所附之國重此必使王重矣關君長曰言所附之國必

使王重於諸國今夫齊王長主也而自用也南攻楚五年穡

積散西困秦二年民憔悴士罷敝北與燕戰覆三軍

獲二將而又以其餘兵南面而舉五千乘之勁宋而

包十二諸侯此其君之欲得也其民力竭也安猶取

哉且臣聞之數戰則民勞久師則兵敝長丁文及罷音疲將子匠

及乘繩證反數色角反○長主言齊國大兵強長於諸侯自用言好自用其強以攻戰也三軍謂燕三軍

也舉包謂將然非既舉且包也欲得謂得其王曰吾所欲也安猶取哉言民力既竭無所取用也

聞齊有清濟濁河可以為固有長城鉅防足以為塞

誠有之乎對曰天時不與雖有清濟濁河何足以為

固民力窮敝雖有長城鉅防何足以為塞濟子禮反下同塞先

代反○天時不與謂天不與時且異日也濟西不役所以備趙也河

北不師所以備燕也今濟西河北盡以役矣封內敵

後周園莊

矣。盡津忍反。○徐孚遠曰：二境之不出，專以備燕趙，今用兵不休，故二境皆發也。夫驕主必

不好計。而亡國之臣貪於財。王誠能毋愛寵于母弟

以為質。寶珠玉帛。以事其左右。彼且德燕而輕亡宋。

則齊可亡已。好呼報反。質音致。○關君長曰：言齊王以質為利。左右寶珠玉帛為德。而且輕

亡宋。徐孚遠曰：前言舉五千乘之宋。此云將輕亡宋。是宋尚未滅。齊王意欲圖之。前言其規等也。王

曰：吾終以子受命於天矣。關君長曰：以用也。受命未

教。欲必伐齊。其有勝者。受命於天矣。曰：內寇不與。外敵不可拒。王自

治其外。臣自報其內。此乃亡之之勢也。內寇謂齊在內。為謀者外

敵。謂其士卒也。與黨與也。治其外。謂治拒外敵之謀也。報應也。言為燕間齊。制其內寇。為內應也。

考異

一本竊聞作臣聞。坊本鉅作鋤。思念作思。齊欲伐作欲報。敵齊作報齊。下無則字。下二年

作三年。而舉作西。舉自報作自欺。

蘇代為燕說齊。未見齊王。先說淳于髡曰：人有賣駿

馬者。比三日立市。人莫之知。往見伯樂曰：臣有駿馬

欲賣之。比三日立於市。人莫與言。願子還而視之。去

而顧之。臣請獻一朝之賈。伯樂乃還而視之。去而顧

之。一旦而馬價十倍。今臣欲以駿馬見於王。莫為臣

先後者。足下有意為臣伯樂乎。臣請獻白璧一雙。黃

金千鎰。以為馬食。為燕之為于偽反。說始銳反。比毗

之見賢。遍反。下同。先西薦反。後胡豆反。○關君長曰：莫與言。無與言。馬且問價者也。獻一朝之賈者。蓋馬

肆有稅。愚謂為馬食。為馬食之資也。禮少儀。君將適他。臣如致金玉貨貝於君。則曰致馬資於有司。淳

于髡曰謹聞命矣乃入言之王而見之齊王大說蘇子悦音

考異

坊本與言下無願字賈作費高本無乃入之乃字盧本同

陳翠合齊燕將合燕王之弟為質於齊燕王許諾太后聞之大怒曰陳公不能為人之國則亦已矣焉有離人子母者老婦欲得志焉令力呈反質音致下同焉有之焉於虔反離力

智反○欲得志言欲殺辱之以逞志也陳翠欲見太后王曰太后方怒

子子其待之陳翠曰無害也遂入見太后曰何懼也太后曰賴得先王鴈鶩之餘食不宜懼懼者憂公子之且為質於齊也待之言待怒解也懼少肉也陳翠曰人主之愛

子也不如布衣之甚也非徒不愛子也又不愛丈夫

子獨甚太后曰何也對曰太后嫁女諸侯奉以千金

齊地百里以為人之終也鮑彪曰嫁則女之事畢矣今王願封公

子百官持職羣臣効忠曰公子無功不當封今王之

以公子為質也且以為公子功而封之也而太后弗

聽臣是以知人主之不愛丈夫子獨甚也封亦公子之終也

且太后與王幸而在故公子貴太后千秋之後王棄

國家而太子即位公子賤於布衣故非及太后與王

封公子則公子終身不封矣太后曰老婦不知長者

之計乃命公子束車制衣為行具長丁丈反○關君長曰命公子謂命

梁之西邊。此燕之上計也。不急為此。國必危矣。主必

大憂。此節必有誤。今試正之。作山東相合之主者。惡

西邊。此山東之上計也。與首節相應。似可通也。不知果然乎否。今韓梁趙三國已合

矣。秦見三晉之堅也。必南伐楚。趙見秦之伐楚也。必

北攻燕。物固有勢異而患同者。秦久伐韓。故中山亡。

今久伐楚。燕必亡。言秦韓久構兵。趙乘其間而亡。中

而必臣竊為王計。不如以兵南合三晉。約成韓梁之

西邊。山東不能堅為此。此必皆亡。言不獨燕果以兵

南合三晉也。

考異坊本口作燕。高本無。今從纂及盧本。坊本善

索下有者字。固作故。陵作後。一本作臨。坊本東之

燕王噲既立。蘇秦死於齊。蘇秦之在燕也。與其相子

之為婚。而蘇代與子之交。及蘇秦死。而齊宣王復用

蘇代。燕噲三年。與楚三晉攻秦。不勝而還。子之相燕。

費重主斷。相息亮反。下同。復扶又反。斷蘇代為齊使

於燕。燕王問之曰。齊宣王何如。對曰。必不霸。燕王曰。

何也。對曰。不信其臣。蘇代欲以激燕王。以厚任子之

也。於是燕王大信子之。子之因遺蘇代百金。聽其所

使。為干偽反。使於之使所吏反。遺唯季反。○宜字衍

涉上文而誤也。下鹿毛壽或人。即皆代之所使也。

鹿毛壽謂燕王曰。不如以國讓子之人。謂堯賢者。以其讓天下於許由。由必不受。有讓天下之名。實不失天下。今王以國讓相子之。子之必不敢受。是王與堯同行也。燕王因舉國屬子之。子之大重。行下孟反。屬音燭。下同。由必之必行。涉下文。而誤也。屬付屬也。或曰。禹授益。而以啓人為吏。及老而以啓為不足任天下。傳之益也。啓與友黨攻益。而奪之天下。是禹名傳天下於益。其實令啓自取之。今王言屬國子之。而吏無非太子人者。是名屬子之。而太子用事。王因收印自三百石。吏而効之子。子之南面行王事。而噲老不聽政。顧為臣。國事皆決子之。

之。令力呈反。下令人令章同。○以啓人為吏。言以啓臣為中益吏也。收印自三百石。吏言收下自三百石。以上吏印而効之子。之。以使自置子之三年。燕國大亂。吏也。老謂以老自休也。顧反也。

百姓恫怨。將軍市被太子平謀將攻子之。恫痛也。儲子謂齊宣王。因而伐之。破燕必矣。王因令人謂太子平曰。寡人聞太子之義。將廢私而立公。飭君臣之義。正父子之位。寡人之國小。不足先後。雖然。則唯太子所以令之。太子因數黨聚眾。將軍市被圍公宮。攻子之不克。將軍市被及百姓乃反攻太子平。將軍市被死。以殉國。搆難數月。死者數萬眾。燕人恫怨。百姓離意。

先西薦反。後胡豆反。數色主反。難乃且反。離力智反。李光縉曰。及。及至之。及非又及之。及當云將軍市

戰國策卷之九 後周園痛

被既攻子之不克及至百姓之反攻太子也市被遂赴鬪為太子死難連用三將軍市被字此乃古文撲瞻處或曰不克下將軍孟軻謂齊宣王曰今伐燕此市被四字衍未詳孰是

文武之時不可失也王因令章子將五都之兵以因北地之眾以伐燕士卒不戰城門不閉燕王噲歿齊大勝燕子之亡二年而燕人立太子平是為燕昭王

將子匠反○文武之時謂文武遇紂之時也北地齊北邊近燕地

考異

纂宣並作閱高本啓人作啓一字韓子有入字高本友作支韓子作友坊本於益下有也死以作死已二年下無而字立太作立公

初蘇秦弟厲因燕質子而求見齊王齊王怨蘇秦欲囚厲燕質子為謝乃已遂委質為臣質子之質音致下同委質之質

音贊為謝之為于偽反○齊怨秦為燕謀齊故欲囚厲為臣為齊臣也燕相子之與蘇

代婚而欲得燕權乃使蘇代持質子於齊相息亮反○據上章

代婚之代當作秦使代扶持質子而安于齊上也蓋代得齊交則燕重之重之則信其言故也齊使

代報燕燕王噲問曰齊王其霸也乎曰不能曰何也

曰不信其臣於是燕王專任子之已而讓位燕大亂

齊伐燕殺王噲子之燕立昭王而蘇代厲遂不敢入

燕皆終歸齊齊善待之

考異

坊本持作侍霸下無也字

蘇代過魏魏為燕執代齊使人謂魏王曰齊請以宋封涇陽君秦不受秦非不利有齊而得宋壑也不信

齊王與蘇子也。今齊魏不和如此其甚，則齊不欺秦。秦信齊，齊秦合，涇陽君有宋地，非魏之利也。故王不
 如東蘇子，秦必疑而不信蘇子矣。齊秦不合，天下無
 變，伐齊之形成矣。於是出蘇代之宋，宋善待之。過音

于偽反。魏昭王策可并考。

考異

坊本連前章下涇陽下無君字出蘇代下更有代字

昭王

凡十五章

張儀為秦破從連橫，謂燕王曰：大王之所親莫如趙，昔趙王以其姊為代王妻，欲并代，約與代王遇於勾注之塞，乃令工人作為金斗，長其尾，令之可以擊人。

與代王飲，而陰告厨人曰：即酒酣樂進，熱歡即因反斗擊之。於是酒酣樂進，取熱歡，厨人進斟羹，因反斗擊之。代王腦塗地，其姊聞之，摩笄以自刺也。故至今有摩笄之山，天下莫不聞。夫趙王之狼戾無親，大王之所明見知也。為秦之為于偽反，從子容反，并音併。塞先代反，令力呈反，樂音洛，摩磨通。刺七亦反，夫音扶。此趙王謂襄子，魏策亦稱襄子謂襄王，斗酌酒器尾，即其柄也。反斗，倒斗也。取猶受也。言代王進受熱歡，斟也。狼戾，言暴戾如狼。且以趙王為可親，邪？趙興兵而攻燕，再圍燕都，而劫大王，大王割十城，乃却以謝。邪音耶。關君長曰：疑作以謝，乃却言燕割城以謝，乃趙兵却退。今趙王已入朝，澠池効河間以事秦，大王不事秦，秦下甲雲中九原，驅

趙而攻燕則易水長城非王之有也且今時趙之於秦猶郡縣也不敢妄興師以征伐今大王事秦秦王必喜而趙不敢妄動矣是西有強秦之援而南無齊趙之患是故願大王之熟計之也朝直遙反燕王曰寡人蠻夷僻處雖大男子裁如嬰兒言不足以求正謀不足以決事今大客幸而教之請奉社稷西面而事秦獻常山之尾五城處昌呂反○裁僅也尾猶末也

考異

坊本因反斗擊之代王腦塗地無今趙之今字纂澗擊代王殺之王腦塗地無今趙之今字纂澗

宮他為燕使魏魏不聽留之數月客謂魏王曰不聽

燕使何也曰以其亂也

他徒多反為于偽反使所吏反數色主反○亂謂燕亂也

對曰湯之伐桀欲其亂也故大亂者可得其地小亂者可得其實今燕客之言曰事苟可聽雖盡寶地猶為之也王何為不見魏王說因見燕客而遣之盡津忍反

說音悅

燕昭王收破燕後即位界身厚幣以招賢者欲將以報讎故往見郭隗先生曰齊因孤國之亂而襲破燕孤極知燕小力不足以報然得賢士與共國以雪先王之耻孤之願也敢問以國報讎者奈何郭隗先生對曰帝者與師處王者與友處霸者與臣處亡國

戰國策

卷九

十一

後附錄

與役處。詘指而事之。北面而受學。則百已者至。先趨而後息。先問而後嘿。則什已者至。人趨已趨。則若已者至。馮几據杖。眄視指使。則厮役之人至。若恣睢奮擊。响藉叱咄。則徒隸之人至矣。此古服道致士之法也。王誠博選國中之賢者。而朝其門下。天下聞王朝其賢臣。天下之士。必趨於燕矣。處昌呂反。馮音憑。選息戀反。朝直遙反。下同。○詘指。猶拘指。拱手也。說苑。北面拘指。逡巡而退。以求臣。則師傅之材至矣。詘指而事之。北面而受學。執弟子之禮也。先後。先後於彼也。人趨已趨。不敢異也。恣睢。暴戾也。吳師道曰。下言叱咄。上有响字。為複响。藉義亦不類。當是响藉。見韓策。釋為跳躍。此謂跳躍蹈藉也。愚謂服道。畏服道德也。昭王曰。寡人將誰朝而可。郭隗先生曰。臣聞古之君人。有以千金求千里馬者。三年不能得。涓人言於君曰。請求之。君遣之。三月得千里馬。馬已死。買其骨五百金。反以報君。君大怒曰。所求者生馬。安事死馬。而捐五百金。涓人對曰。死馬且買之五百金。況生馬乎。天下必以王為能市馬。馬今至矣。於是不能暮年千里之馬至者三。今王誠欲致士。先從隗始。隗且見事。况賢於隗者乎。豈遠千里哉。君人恐倒。涓人。謁者也。不能。猶不及也。於是昭王為隗築宮而師之。樂毅自魏往。鄒衍自齊往。劇辛自趙往。士爭湊燕。燕王弔死問生。與百姓同其甘苦。二十八年。燕國殷富。士卒樂佚輕戰。於是遂以樂毅為

後周隱帝

上將軍與秦楚三晉合謀以伐齊。齊兵敗。閔王出走於外。燕兵獨追北入至臨淄。盡取齊寶。燒其宮室宗廟。齊城之不下者。唯獨莒即墨。為隗之為于偽反。樂佚之樂音洛。北音佩。

又如字盡津忍反。下還嫁反。○湊聚也。

考異

坊本欲將下無以字。力下無少字。一本詘指作屈已。坊本無已趨二字。諸本其骨作其首。今從一本。坊本之馬作馬之。八年下無燕字。

客謂燕王曰。齊南破楚。西屈秦。用韓魏之兵。燕趙之眾。猶鞭笞也。使齊北面伐燕。即雖五燕弗能當。王何不陰出使散游士。頓齊兵。敵其眾。使世世無患。出使

所吏反。下南使同。○猶鞭笞。言御諸國猶馬也。當猶敵也。言密遣使諸侯。以約攻齊。分散游士。以說之。頓

敵齊兵眾而燕王曰假寡人五年寡人得其志矣君

長曰假謂使蘇子曰請假王十年燕王說奉蘇子車

五十乘南使於齊。謂齊王曰。齊南破楚。西屈秦。用韓

魏之兵。燕趙之眾。猶鞭策也。臣聞當世之舉。王必誅

暴正亂。舉無道。攻不義。今宋王射天笞地。鑄諸侯之

象。使侍屏。展其臂。彈其鼻。此天下之無道不義。而

王不伐。王名終不成。說音悅。乘繩證反。射食亦反。○

吳師道以為因下誤衍是矣。屏樹。匿厠也。猶且夫宋

中國膏腴之地。鄰民之所處也。與其得百里於燕。不

如得十里於宋。伐之名則義。實則利。王何為弗為。夫音

扶處昌呂反○鄰四齊王曰善遂興兵伐宋三覆宋

宋遂舉燕王聞之絕交於齊率天下之兵以伐齊大

戰一小戰再頓齊國成其名故曰因其強而強之乃

可折也因其廣而廣之乃可缺也故曰以下記者之餘論

考異 坊本五十 作十五

齊伐宋宋急蘇代乃遣燕昭王書曰夫列在萬乘而

寄質於齊名卑而權輕奉齊助之伐宋民勞而實費

破宋殘楚淮北肥大齊讎強而國弱也此三者皆國

之大敗也而足下行之將欲以除害取信於齊也而

齊未加信於足下而忌燕也愈甚矣然則足下之事

齊也失所為矣夫民勞而實費又無尺寸之功破宋

肥讎而世負其禍矣遺唯李反夫音扶下同乘繩證反下同質音致下同○燕前有

一子質於齊見上實貨財也除害謂除齊足下以宋

加淮北強萬乘之國也而齊并之是益一齊也北夷

方七百里加之以魯衛此所謂強萬乘之國也而齊

并之是益二齊也夫一齊之強而燕猶不能支也今

乃以三齊臨燕其禍必大矣并音併○足下二字恐

加之淮北則一強萬乘之國也司馬貞曰北夷謂山

戎北狄附齊者愚謂齊因舉宋并魯衛加之北夷則

亦一強萬乘之國也雖然臣聞智者之舉事也轉禍而為福因

敗而成功者也齊人紫敗素也而賈十倍越王勾踐

戰國策上角 卷九上 後周園莊

棲於會稽而後殘吳霸天下此皆轉禍而為福因敗

而為功者也賈音價勾古疾反會古外反稽音鷄素白繒也韓子云齊桓公好服紫一國

盡服紫當時十素不得一紫穆文熙曰取今王若欲

轉禍而為福因敗而為功乎則莫如遙霸齊而厚尊

之使使盟於周室盡焚天下之秦符約曰夫上計破

秦其次長賓之秦秦挾賓客以待破秦王必患之使

之使所吏反盡津忍反賓擯通秦及容字恐行挾帶也挾賓猶言被賓也秦五世以

結諸侯今為齊下秦王之志苟得窮齊不憚以一國

都為功言不憚下割國都以賂與然而王何不使布衣

之人以窮齊之說說秦謂秦王曰燕趙破宋肥齊尊

齊而為之下者燕趙非利之也弗利而勢為之者何

也以不信秦王也今王何不使可以信者接收燕趙

今涇陽君若高陵君先於燕趙秦有變因以為質則

燕趙信秦矣說秦之說始銳反下說秦同○上何不

二國也變秦為西帝趙為中帝燕為北帝立為三帝

而以令諸侯韓魏不聽則秦伐之齊不聽則燕趙伐

之天下孰敢不聽天下服聽因驅韓魏以攻齊曰必

反宋地歸楚之淮北夫反宋地而歸楚之淮北燕趙

之所同利也並立三帝燕趙之所同願也夫實得所

利名得所願則燕趙之棄齊也猶釋敝躡躡躡通今

後形國

戰國策卷九 莊 後形國

王之不收燕趙則齊霸必成矣。諸侯戴齊而王獨弗從也。是國伐也。諸侯戴齊而王從之。是名卑也。王不收燕趙。名卑而國危。王收燕趙。名尊而國寧。夫去尊寧而就卑危。智者不為也。去起呂反。○以上謂秦王設詞。穆文熙曰。為秦畫策。今與燕趙相信。因而驅使。韓魏以攻齊。所謂窮齊也。秦王聞若說也。必如刺心然。則王何不務使智士以若此言說秦。秦伐齊必矣。夫取秦上交也。伐齊正利也。尊上交務正利。聖王之事也。刺七亦反。○取猶收也。燕昭王善其書曰。先人嘗有德蘇氏。子之之亂而蘇氏去燕。燕欲報仇於齊。非蘇氏莫可。乃召蘇氏。復善待之。與謀伐齊。竟破齊。閔王出走。

復扶又反

考異

高本奉作秦。坊本使使作使之。長賓之秦作長賓。客秦。今溼作令溼。帝而下無以字。一本服聽作服德。驅作馳。坊本上宋地。下有而字。一本敝驪作脫展。劉本若此。言作若言。坊本說秦下無秦字。報仇作報讎仇。

蘇代謂燕昭王曰。今有人于此。孝如曾參。孝已。信如尾生。高廉如鮑焦。史鮪。兼此三行。以事王。奚如。王曰。如是足矣。對曰。足下以為足。則臣不事足下矣。臣且處無為之事。歸耕乎周之上地。耕而食之。織而衣之。王曰。何故也。對曰。孝如曾參。孝已。則不過養其親耳。信如尾生。高則不過不欺人耳。廉如鮑焦。史鮪。則不

過不竊入之財耳。今臣為進取者也。臣以為廉不與身俱達。義不與生俱立。仁義者自完之道也。非進取

之術也。參所金反。行下孟反。處昌呂反。衣於既反。養羊尚反。○史鮪衛大夫子魚也。關君長曰。廉

不不苟取。是以身貧。故不俱達。義不不苟生。是以身死。故不俱立。王曰。自憂不足乎。君關

長曰。言自憂國事不足保國乎。對曰。以自憂為足。則秦不出殺塞。齊

不出營丘。楚不出疏章。三王代位。五伯改政。皆以不

自憂故也。若自憂而足。則臣亦之。周負籠耳。何為煩

大王之廷邪。塞先代反。伯霸同。邪音耶。○關君長曰。亦亦燕王也。負籠猶言荷篠也。言耕稼

也。昔者楚取章武。諸侯北面而朝。秦取西山。諸侯西

面而朝。曩者使燕毋去周室之上。則諸侯不為別駕

而朝矣。朝直遙反。○關君長曰。魏策曰。君之楚將矣。為北面此當作南面。別駕猶改駕也。愚謂言

使下燕繼召公業。夾輔周室。挾天子以令諸侯。則諸侯不為改駕。朝秦楚而朝燕矣。此言秦楚務進取而燕

不能也。臣聞之。善為事者先量其國之大小。而揆其兵

之強弱。故功可成。而名可立也。不能為事者不先量

其國之大小。不揆其兵之強弱。故功不可成。而名不

可立也。其指敵國也。揆度也。此言燕王欲成功立名宜先量敵國大小強弱。今王有東

嚮伐齊之心。而愚臣知之。王曰。子何以知之。對曰。矜

戰。砥劍登丘。東嚮而歎。是以愚臣知之。矜音謹。○鮑彪曰。矜。矛柄。

矜戰。蓋為矜施戰。砥。柔石。所以礪也。今夫烏獲舉千鈞之重。行年八十

而求扶持。故齊雖強國也。西勞於宋。南罷於楚。則齊

戰國策正解 卷九上 後周隱帝

軍可敗而河間可取。

夫音扶，罷音疲，敗必邁。反。○言齊今疲勞，猶烏獲衰老也。燕

王曰：善。吾請拜子為上卿，奉子車百乘。子以此為寡

人，東游於齊，何如？

乘繩證反，下同。為寡之為于偽反。下為王為子為足同。○言為燕說

齊對曰：足下以愛之故與，則何不與愛子？與諸舅、叔

父，負牀之孫不得，而乃以與無能之臣，何也？

也。與與車

之與及也。負牀未詳，疑牀作懷。懷亦謂愛也。不得，不得車也。王之論臣，何如人哉？

今臣之所以事足下者，忠信也。恐以忠信之故，見罪

於左右。

關君長曰：不欲。言燕王故云左右。

王曰：安有為人臣盡其力

竭其能而得罪者乎？對曰：臣請為王譬昔周之上地

嘗有之。其丈夫宦三年不歸，其妻愛人。其所愛者曰：

子之丈夫來，則且奈何乎？其妻曰：勿憂也。吾已為藥

酒而待其來矣。已而其丈夫果來，於是因令其妾酌

藥酒而進之。其妾知之，半道而立，慮曰：吾以此飲吾

主父，則殺吾主父。以此事告吾主父，則逐吾主母。與

殺吾主父，逐吾主母者，寧佯躓而覆之。於是因佯僵

而仆之。其妻曰：為子之遠行來之故，為美酒，今妾奉

而仆之，其丈夫不知，縛其妾而笞之。故妾所以笞者，

忠信也。今臣為足下使於齊，恐忠信不諭於左右也。

盡津忍反，令力呈反，飲於鶴反。奉捧同，使所吏反。○躓踏也。

臣聞之曰：萬乘之主

不制於人，臣十乘之家，不制於眾人。匹夫徒步之士

不制於妻妾而又况於當世之賢主乎臣請行矣願足下之無制於群臣也所以自固也

考異 一本過養作過孝位作立纂政作正坊本之周作周之諸本別駕作別馬一本作如馬今

從一本坊本故與下無則字當世作當時

燕王謂蘇代曰寡人甚不喜訛者言也喜許記反訛音他喜好

也訛欺也蘇代對曰周地賤媒為其兩譽也之男家曰女

美之女家曰男富然而周之俗不自為取妻為其之為于偽

反譽音餘取七住反且夫處女無媒老且不嫁舍媒

而自銜敝而不售順而無敗售而不敝者唯媒而已

矣夫音扶下同處昌呂反舍音捨○銜賣也且事非

權不立非勢不成夫使人坐受成事者唯訛者耳王曰善矣

考異 坊本男富作男美

蘇代謂奉陽君說燕於趙以伐齊奉陽君不聽乃入

齊惡趙令齊絕於趙說始銳反令力呈反下同○說

王以與燕俱伐齊齊已絕於趙因之燕謂昭王曰韓

為謂臣曰人告奉陽君曰使齊不信趙者蘇子也韓

人姓名也令齊王召蜀子使不伐宋者蘇子也蓋齊使蜀

而召歸不伐也與齊王謀道取秦以謀趙者蘇子也道言也

令齊守趙之質子以甲者又蘇子也質音致請告子

後周國志

以請齊。果以守趙之質子以甲。吾必守子以甲。

子指代吾

謂趙也。言人請奉陽曰告代以請齊。令無守趙之質子以甲。若代不為請齊。果守質子以甲。則趙亦必守

代以其言惡矣。雖然王勿患也。言雖趙言惡而王勿為臣患也。臣故

知入齊之有趙累也。出為之。以成所欲。臣死而齊大

惡於趙。臣猶生也。故固通。○開君長曰。出疑作由。今

齊趙絕。可大紛已。持臣非張孟談也。使臣也。如張孟

談也。齊趙必有為智伯者矣。紛亂也。吳師道曰。持字

襄子委張孟談與韓魏約代智伯言燕王不然。奉陽君告朱謹與趙足曰。齊

王使公玉曰。命說曰。必不友韓珉。今召之矣。必不任

蘇子以事。今封而相之。必不合燕。今以燕為上交。息相

亮及下子相相中同。○公玉曰。當作公玉丹。或公玉

冉。按呂子審己篇。齊湣王亡居於衛。謂公玉丹曰。云

冉。史記孝武紀。索隱云。風俗通齊泯王臣有公玉冉。

冉與丹字形相似。實是一人。曰字亦與冉丹相近。而

誤耳。吳師道曰。說見之訛得之。即吾所恃者順也。今

其言變。有甚於其父。順始與蘇子為讎。見之。知無厲

今賢之。兩之已矣。吾無齊矣。順。齊公子嘗質於趙者。見秦惠文君策。厲害也。

言雖順見代吾知其無害。兩疑當作良。音之奉陽君

之怒甚矣。如齊王之不信趙。而小人奉陽君也。因是

而倍之。不以今時大紛之解而復合。則後不可奈何

也。倍音佩。解音蟹。復扶又反。○開君長曰。如疑作以

得之。小人謂待之如小人也。言奉陽怒此二者而背齊解。謂

二國和解。故齊趙之合。苟可循也。死不足以為臣患。

後周國策

逃不足以爲臣耻。爲諸侯不足以爲臣榮。被髮自漆

爲厲。不足以爲臣辱。故固通被皮寄反厲音賴。○循

期之詞是也言二國交合而然而臣有患也。臣死而

齊趙不循惡交分於臣也。而後相效。是臣之患也。二言

國合而不順燕則二國與燕交分惡於代而若臣死

而必相攻。臣必劬之而求死焉。堯舜之賢而死。禹湯

之智而死。孟賁之勇而死。烏獲之力而死。生之物。固

有不死者乎。在必然之物。以成所欲。王何疑焉。貴音

相攻謂齊趙相攻也。臣以爲不若逃而去之。○臣以韓魏循自齊而爲之

王當作臣字之誤也。臣以爲不若逃而去之。○臣以韓魏循自齊而爲之

取秦深結趙以勁之。如是則近於相攻也。○爲于僞反

言以韓魏相順由齊不善而說秦爲二國取交於秦

臣雖爲之累。燕奉陽君告朱謹曰。蘇子怒於燕王之

不以吾故弗予相。又不予卿也。殆無燕矣。其疑至於

此。故臣雖爲之不累。燕又不欲王。代以用也吾子皆指

燕親也。關君長曰。王疑作止得之代既述奉陽告朱

謹之言而斷之曰。奉陽疑代怒燕而無親至於此。故

臣雖爲之。不累燕。又不欲王。止其逃。伊尹再逃。湯而之。桀再逃。桀而之。

湯果與鳴條之戰。而以湯爲天子。伍子胥逃楚而之。

吳果與伯舉之戰。而報其父之讎。今臣逃而紛齊趙。

始可著於春秋。伯柏通。○與皆當作興字之誤也。言

伐國策正解

卷九

二十五

後周園雅

則亦可垂功於竹帛矣

且舉大事者孰不逃桓公之難管仲逃

於魯陽貨之難孔子逃於衛張儀逃於楚白珪逃於

秦望諸相中山也使趙趙劫之求地望諸攻關而出

逃外孫之難薛公釋載逃於關三晉稱以為士故

舉大事逃不足以為辱矣難乃且反使所吏反載才

秋傳張儀以下未詳望諸非樂毅別是一人卒絕齊

於趙趙合於燕以攻齊敗之卒子律反敗必邁

考異高本章首止者矣自為二章題奉陽君以下

一本高本今齊作令齊公玉作公王之必作之令坊本

知作如高本如齊王下更有王字坊本上相攻下無

也字坊本之累間有不字二子字皆作子無再逃湯而之禁六字大事下無者字貨作虎珪作圭而

出下無逃字高本載作戴坊本為士間有好字

燕昭王且與天下伐齊而有齊人仕於燕者昭王召

而謂之曰寡人且與天下伐齊日暮出令矣子必爭

之爭之而不聽子因去而之齊寡人有時復合和也

且以因子而事齊爭音諍復扶又反言伐齊當此

之時也燕齊不兩立然而常獨欲有復收之之志若

此也收取也言當此之時二國勢不兩立而齊強燕

取故地之志如此也此記者之言

考異坊本無和也二字

齊魏爭燕言二國爭齊謂燕王曰吾得趙矣魏亦謂

燕王曰吾得趙矣燕無以決之而未有適予也適丁歷反

子與通○二國皆言吾得與趙交蘇子謂燕相曰臣

聞辭卑而弊重者失天下者也辭倨而弊薄者得天

下者也今魏之辭倨而弊薄燕因合於魏得趙齊遂

北矣相息亮反川音佩○關君長曰

北敗謂齊為燕所敗終言之也

蘇代自齊使人謂燕昭王曰臣聞離齊趙齊趙已孤

矣王何不出兵以攻齊臣請為王弱之燕乃伐齊攻

晉間古覓反離力智反下同為于偽反下為令人謂

閔王曰燕之攻齊也欲以復振故地也燕兵在晉而

不進則是兵弱而計疑也王何不令蘇子將而應燕

乎夫以蘇子之賢將而應弱燕燕破必矣燕破則趙

不敢不聽是王破燕而服趙也閔王曰善令力呈反

匠反下同夫音扶○代令人謂也乃謂蘇子曰燕兵

在晉今寡人發兵應之願子為寡人為之將對曰臣

之於兵何足以當之王其改舉王使臣也是敗王之

兵而以臣遺燕也戰不勝不可振也王曰行寡人知

子矣敗必邁反下敗王同遺唯季反○改舉蘇子遂

將而與燕人戰於晉下齊軍敗燕得甲首二萬人蘇

子將而與燕人戰於晉下齊軍敗燕得甲首二萬人蘇

蘇子將而與燕人戰於晉下齊軍敗燕得甲首二萬人蘇

子以其餘兵以守陽城而報於閔王曰王過舉令臣應燕今軍敗亡二萬人臣有斧質之罪請自歸於吏以戮閔王曰此寡人之過也子無以為罪明日又使燕攻陽城及狸又使人謂閔王曰日者齊不勝於晉下此非兵之過齊不幸而燕有天幸也今燕又攻陽城及狸是以天幸自為功也王復使蘇子應之蘇子先敗王之兵其後必務以勝報王矣王曰善乃復使蘇子蘇子固辭王不聽遂將與燕戰於陽城燕人大勝得首三萬齊君臣不親百姓離心燕因使樂毅大起兵伐齊破之質鎖通復扶又反

考異

高本間作聞故地作古地一本得首作斬首

蘇代自齊獻書於燕王曰臣之行也固知將有口事故獻御書而行口事護口之事也御侍御也不敢斥王也曰臣貴於齊燕大夫將不信臣臣賤將輕臣臣用將多望於臣齊有不善將歸罪於臣天下不攻齊將曰善為齊謀天下攻齊將與齊兼質臣臣之所重處重卵也為于偽反下為王同

上重直用反下重直龍反處昌呂反○望責望也不善謂不善於燕也質市也關君長曰此句有誤錯當作將謂臣兼質齊愚謂既質於燕又質於諸侯故曰兼質重猶難也重卵猶累卵處重卵謂危也此前日語中

王謂臣曰吾必不聽眾口與讒言吾信汝也猶列眉也上可以得用於齊次可以得信於下苟無死

女無不為也。以女自信可也。與之言曰：去燕之齊可也。期於成事而已。女音汝。○關君長曰：列眉謂兩眉對列以喻其明白也。期待也。言苟無成之事，汝便互從事，以汝心自信，無為顧慮也。愚謂與之言以下十字，疑他章錯簡，此前日燕王答代也。

臣受令以任齊。及五年，齊數出兵，未嘗謀燕。數，色也。任齊以齊為己任。此言已勝其任。齊趙之交一合一離，燕王不與

齊謀。趙則與趙謀。齊之信燕也。至於虛北地行其兵。今王信田伐與參去疾之言，且攻齊。虛不設備也。齊北地近燕而不設備，行其兵不疑燕也。與及也。關君長曰：燕無信於齊，而齊不疑燕，今燕且攻齊，不信之甚。代言之者，蓋以伐齊則己之謀不行也。或不欲人有己之功與。使齊犬馬賤而不言燕

今王又使慶令臣曰：吾欲用所善。吳師道曰：字書無賤字，恐即賤，關君

長曰：使齊如犬馬賤，而不言攻燕，蓋言齊之有信，愚謂使齊然者，代之功也。今王欲用其所善，是王無信也。於代王苟欲用之，則臣請為王事之。王欲驛臣，刺任

所善，則臣請歸驛事。臣苟得見，則盈願。驛釋同，刺專二人則事之，專任所善，則釋己所任之事，用之與不用，非所敢請，唯苟得見王，則己願足矣。

考異高本質作鄭坊本之所下無重字，高本列眉作剗剗坊本離下無燕王二字，馬下無賤字

秦召燕王，燕王欲往。蘇代約燕王曰：楚得枳而國亡，齊得宋而國亡。約猶止也。亡失也。謂失地於秦也。齊楚不得以有枳

宋事秦者，何也。是則有功者，秦之深讎也。鮑彪曰：言齊者，秦之所惡也。秦取天下，非行義也。暴也。秦之行暴於天

下，非行義也。暴也。秦之行暴於天

後形圖說

下。正告楚曰。蜀地之甲。輕舟浮於汶。乘夏水而下。江五日而至。郢漢中之甲。乘舟出於巴。乘夏水而下。漢四日而至。五渚寡人積甲。宛東下隨。智者不及謀。勇者不及怒。寡人如射隼矣。王乃待天下之攻函谷。不亦遠乎。楚王為是之故。十七年事秦。

為反。下為割同。○司馬貞曰。正告。謂顯然而告也。夏水。謂夏潦之水。盛漲時也。愚謂如射隼。以喻易且必獲也。易曰。射隼于高墉之上。獲之無不利。秦正告韓曰。我起乎少曲。一日

而斷太行。我起乎互陽。而觸平陽。二日而莫不盡絲。我離兩周而觸鄭。五日而國舉。韓氏以為然。故事秦。

少詩昭反。下同。斷音短。行戶郎反。下同。盡津忍反。○觸猶擊也。董份曰。盡絲。言韓微民絲役為備。離歷也。

秦正告魏曰。我舉安邑。塞女戟。韓氏太原卷。我下軹

道。南陽封冀。包兩周。乘夏水。浮輕舟。強弩在前。鈇戈

在後。決滎口。魏無大梁。決白馬之口。魏無濟陽。決宿

胥之口。魏無虛頓丘。陸攻則擊河內。水攻則滅大梁。

魏氏以為然。故事秦。塞先北反。下同。卷春勅反。濟子禮反。下同。虛音墟。○卷謂如卷

席也。道由也。鈇利也。秦欲攻安邑。恐齊救之。則以宋委於齊。曰。

宋王無道。為木人以寫寡人。射其面。寡人地絕兵遠。

不能攻也。王苟能破宋有之。寡人如自得之。已得安

邑。塞女戟。因以破宋為齊罪。秦欲攻韓。恐天下救之。

則以齊委於天下。曰。齊王四與寡人約。四欺寡人。必

率天下以攻寡人者三。有齊無秦，無齊有秦，必伐之。必亡之。已得互陽，少曲致蘭石，因以破齊為天下罪。秦欲攻魏，重楚則以南陽委於楚，曰：寡人固與韓且絕矣。殘均陵，塞黽隘，苟利於楚，寡人如自有之。魏棄與國而合於秦，因以塞黽隘為楚罪。重直用及下重爭遠曰：楚魏本與國，秦攻魏，畏楚救之，故以南陽委楚。楚有事南陽，不及救，魏棄楚而合秦，秦欲伐楚，即以為塞黽隘為罪也。兵困於林中，重燕趙，以膠東委於燕，以濟西委於趙，已得講於魏，至公子延，因犀首，屬行而攻趙。屬音燭。秦伐魏，林鄉見魏策，屬行謂相屬而起兵也。言秦使公子延因犀首相屬起兵而攻趙也。兵傷於離石，遇敗於馬陵，而重魏，則以葉蔡委於魏。

已得講於趙，則劫魏，魏不為割，困則使太后穰侯為

和，嬴則兼欺舅與母。葉舒涉反，下同。離石馬陵皆趙地名，關君長曰：史無一魏字。

此恐誤行，言秦不為魏割所委之地。史作太后弟，此當添弟字，嬴勝也。適燕者曰：以膠

東適趙者曰：以濟西適魏者曰：以葉蔡適楚者曰：以

塞郟阬適齊者曰：以宋。此必令其言如循環，用兵如

刺蜚，母不能制，舅不能約。適音謫，阬音隘，令力呈反，刺七亦反。吳師道曰：適

即上所謂，因以為罪者如循環，言其無窮不可致詰也。愚謂蜚蟲名，如刺蜚，謂易也。制御也。約，要求也。

龍賈之戰，岸門之戰，封陵之戰，高商之戰，趙莊之戰。

秦之所殺，三晉之民數百萬，今其生者皆死秦之孤

也。西河之外，上雒之地，三川，晉國之禍，三晉之半。數色

主反○龍賈魏將岸門三川韓地封陵西河上雒魏地高商或地名或人名未詳趙莊趙將方苞曰西河上雒三川皆秦所并三晉之地也秦禍如此其大而晉國之被秦禍幾亡三晉之半也

燕趙之私交秦者皆以爭事秦說其主此臣之所大

患說始銳反燕昭王不行蘇代復重於燕燕反約諸侯從

親如蘇秦時或從或否而天下由此宗蘇氏之從約

代厲皆以壽死名顯諸侯復扶又反從子容反○言蘇秦死後諸侯或從或否

而由燕重代天

考異

坊本於天下正作正告天下下江下漢上並無而字乘舟作輕舟卷下無我字高本軋作

軋坊本軋道下更有道字冀下有兼字戈作戰一本榮口間有陽之二字梁魏下無氏字齊救作齊

據寫作象齊王作齊人蘭石間有離字高本趙已作趙趙坊本至作質無屬行而三字高本贏作贏

坊本必令上無此字制作知諸本無私交二字今從盧本坊本反約下無諸侯二字

燕饑趙將伐之楚使將軍之燕過魏見趙恢趙恢曰

使除患無至易於救患伍子胥宮之奇不用燭之武

張孟談受大賞是故謀者皆從事於除患之道而先

使除患無至者過音戈易以豉反○伍子胥至大賞

除之無至易患既至而救之難故智謀之士皆從其易者而先使除患無至者也以言燕被伐而救之不

如其未伐而今與以百金送公也不如以言公聽吾

言而說趙王曰昔者吳伐齊為其饑也伐齊未必勝

也而弱越乘其敝以霸今王之伐燕也亦為其饑也

伐之未必勝而強秦將以兵承王之西是使弱趙居

強吳之處而使強秦處弱越之所以霸也。願王之熟計之也。說趙之說始銳反下同為于偽反秦處之處昌呂反○西疑當作敵以此言說趙王所謂

先使除患無至者也使者乃以說趙王。趙王大說乃止。燕昭王

聞之乃封之以地。

大說之說音悅使所吏反○使者即楚將軍封之將軍也

考異

坊本道作遺者二字先作無高本與作予坊本承作乘

趙且伐燕。蘇代為燕謂惠王曰。今日臣來過易水。蚌方出曝而鵝啄其肉。蚌合而箝其喙。鵝曰。今日不雨。明日不雨。即有死蚌。蚌亦謂鵝曰。今日不出。明日不出。即有死鵝。兩者不肯相舍。漁者得而并擒之。為于偽反

過音戈蚌叶彼五反鵝音聿舍音捨并音併○蚌蛤也鵝知將雨鳥也箝籜也

去而蚌枯死也。有死鵝言雨則水滿。蚌因沈沒。鵝不能出而溺死也。今趙且伐燕。燕趙

久相支。以敵大衆。臣恐強秦之為漁父也。故願王之

熟計之也。

支父音甫○言二國相支如鵝蚌不肯相舍

惠王曰。善。乃止。

考異

高本籍作掛坊本相支作相攻願上無故字王下無之字

凡二十七章

戰國策正解卷九上 終

(Faint bleed-through text from the reverse side of the page, including characters like '燕下', '惠王', and '趙趙')

戰國策正解卷九下

橫田惟孝著

燕下

惠王凡二章

昌國君樂毅為燕昭王合五國之兵而攻齊下七十
 餘城盡郡縣之以屬燕三城未下而燕昭王死惠王
 即位用齊人反間疑樂毅而使騎劫代之將樂毅奔
 趙趙封以為望諸君為燕之為于偽反下為燕為將
 自為敢為同盡津忍反下同屬
音燭未下之下遐嫁反間古竟反將子匠反齊田單
 欺詐騎劫卒敗燕軍復收七十餘城以復齊燕王悔

懼趙用樂毅承燕之敵以伐燕。燕王乃使人讓樂毅。且謝之曰：先王舉國而委將軍，將軍為燕破齊，報先王之讎，天下莫不振動。寡人豈敢一日而忘將軍之功哉？會先王棄羣臣，寡人新即位，左右誤寡人，寡人之使騎劫代將軍者，為將軍久暴露於外，故召將軍且休計事。將軍過聽，以與寡人有隙，遂捐燕而歸趙。將軍自為計，則可矣，而亦何以報先王之所以遇將軍之意乎？卒子律反，敗必邁反，暴步木反。○以與之以猶謂也。望諸君乃使人獻書報燕王曰：臣不佞，不能奉承先王之教，以順左右之心，恐抵斧質之罪，以傷先王之明，而又害於足

下之義，故遁逃奔趙，自負以不肖之罪，故不敢為辭。說。質，鎖通。○抵，當也。言不能奉承昭王令伐齊之命，而速下三城，以順惠王之心，恐當死罪，以傷昭王知久之明，而又害惠王愛護先王功臣之義，不欲斥言惠王故曰左右下文侍御亦爾，不敢為辭說，言不取自為理罪也。今王使使者數之罪，臣恐侍御者之不察先王之所以畜幸臣之理，而又不白於臣之所以事先王之心，故敢以書對。使者之使所吏反，下南使同，數色主反。○言對使者恐二者不明，故對也。臣聞賢聖之君，不以祿私其親，功多者授之，不以官隨其愛，能當之者處之，故察能而授官者，成功之君也；論行而結交者，立名之士也。臣以所學者觀之，先王之舉錯，有高世之心，故假節於魏王，而以

後周國非 卷九 後周國非

身得察於燕。先王過舉，擢之乎賓客之中，而立之乎羣臣之上，不謀於父兄，而使臣為亞卿。臣自以為奉

令承教，可以幸無罪矣。故受命而不辭。

當丁浪反處昌呂反行下

孟反下同，錯七路反。○高世謂高出一世也。時諸疾不通，出關則以節傳之，故假節以之燕也。先王

命之曰：我有積怨，深怒於齊，不量輕弱，而欲以齊為

事。臣對曰：夫齊，霸國之餘教也，而驟勝之遺事也。閑

於兵甲，習於戰攻。王若欲攻之，則必舉天下而圖之。

舉天下而圖之，莫徑於結趙矣。且又淮北宋地，楚魏

之所同願也。趙若許約，楚魏宋盡力，四國攻之，齊可

大破也。先王曰：善。

積子賜反下同，夫音扶，下皆同。○舉史記作與，此恐誤，徑捷也。鮑彪

曰：楚欲得淮北，魏欲得宋，時皆屬齊，愚按：新序無魏宋之宋，此恐衍。四國，趙楚魏與燕也。臣乃口

受令，具符節，南使臣於趙。顧反，命起兵，隨而攻齊。

使者所執以為信者，周禮地官門關用符節，顧反也。反復也。隨，隨諸侯之兵也。林西仲曰：殺并護趙楚韓

魏燕之兵伐齊。以天之道，先王之靈，河北之地，隨先王舉而

有之於濟上。濟上之軍，奉令擊齊，大勝之。

濟子禮反。○有猶得

也。言河北之地，隨昭王發舉而起兵，助燕至於濟上。而殺得之也。濟上之軍，謂諸侯之兵軍於濟上者。河

北之兵亦在其中矣。輕卒銳兵，長驅至國。齊王逃遁，走莒。僅以

身免。珠玉財寶，車甲珍器，盡收入燕。大呂陳於元英。

故鼎反乎歷室。齊器設於寧臺。薊丘之植，植於汶篁。

自五伯以來，功未有及先王者也。

伯音霸。○國國都也。大呂，齊鐘名。呂

子齊之表也。作為大呂元英歷室燕二宮名。故鼎齊所得燕鼎。寧臺。燕臺名。薊丘。燕都。竹田曰。冀言。薊丘。生植之物。移植於齊之汶。冀徐廣曰。燕之疆界。移於齊之汶水。是也。先王以為。愜其志。

以臣為不頓命。故裂地而封之。使之得比乎小國諸侯。臣不佞。自以為奉令承教。可以幸無罪矣。故受命而不辭。頓猶墜也。封之。謂封為昌國君。臣聞賢明之君。功立而不廢。

故著於春秋。蚤知之士。名成而不毀。故稱於後世。若先王之報怨雪耻。夷萬乘之強國。收八百歲之蓄積。及至棄羣臣之日。餘令詔後嗣之遺義。執政任事之

臣。所以能循法令。順庶孽者。施及萌隸。皆可以教於後世。乘繩證反。施以致反。萌氓通。蚤知。先見也。八

也。萌隸。謂至賤者。

臣聞善作者不必善成。善始者不必善終。

昔者伍子胥說聽乎闔閭。故吳王遠迹至於郢。夫差弗是也。賜之鳩夷而浮之江。故吳王夫差不悟先論之可以立功。故沈子胥而不悔。子胥不蚤見主之不可

同量。故入江而不改。差初佳反。量音亮。是猶察也。夫人不善是也。史記無江下故字。此恐衍。鳩夷。楫名。謂下馬革為其形。以盛子胥。而浮中江流也。不改。謂至死不背改。行他適也。夫免身全功。以明先王之迹者。臣之上計也。離毀辱之非。墮先王之名者。臣之所大恐也。臨不

測之罪。以幸為利者。義之所不敢出也。離。離通。非。非。通。墮。許。規。反。

恐丘勇反。林西仲曰。免身於罪。而能立功於齊。以先王之舊烈。不必去燕入趙。是其本意。受反。間。蜚。

語欲召回加誅以壞先王知人之名故恐懼而奔趙
 去燕正當不可測之重罪又幸燕之敵使趙伐之
 義甚矣非臣聞古之君子交絕不出惡聲忠臣之去國
 也不潔其名臣雖不佞數奉教於君子矣數色角反
 曰此明已不輔趙林西仲恐待御者之親左右之說而不察
 伐燕以存厚道
 疏遠之行也故敢以書報惟君之留意焉親疑當作
 也疏遠殺信音之誤自謂也

考異

坊本無欺字高本收七十下無餘字坊本承
 燕作乘燕忘作亡代將軍下無者字史記先
 王之教作王命謂召回之命似是坊本當下無之
 字餘教下無也字攻之作伐之高本徑作勁坊本
 魏守作趙宋錢本至國作至齊新序同坊本歷作
 曆纂作磨史記同坊本慳作順下有字盧本纂
 作廉史記同坊本不悔作弗悔
 諸本去下無國字今從一本

張刃為質於燕燕王欲殺之走且出境境吏得刃刃
 曰燕王所為將殺我者人有言我有寶珠也王欲得
 之今我已亡之矣而燕王不我信今子且致我我且
 言子之奪我珠而吞之燕王必當殺子剗子腹反子
 之腸矣夫欲得之君不可說以利吾要且死子腸亦
 且寸絕境吏恐而赦之質音致夫音扶說始銳反要
一遙反恐丘勇反○反言反
覆視之也

考異

諸本反作反
 今從一本

王喜

凡三章

燕王喜使栗腹以百金為趙孝成王壽酒獻酒以百
金為壽也

三日反報曰趙民其壯者皆死於長平其孤未壯可

伐也王乃召昌國君樂間而問曰何如樂毅奔趙後燕王復以其

子樂間為昌國君對曰趙四達之國也其民皆習於兵不可

與戰王曰吾以倍攻之可乎曰不可曰以三可乎曰

不可王大怒左右皆以為趙可伐遽起六十萬以攻

趙令栗腹以四十萬攻鄆使慶秦以二十萬攻代趙

使廉頗以八萬遇栗腹於鄆使樂乘以五萬遇慶秦

於代燕人大敗令力呈反乘毅之族樂間入趙燕王以書且

謝焉書下疑脫讓字昌國君樂毅章可以見矣曰寡人不佞不能奉順君

意故君捐國而去則寡人之不肖明矣敢端其願而

君不肯聽故使使者陳愚意君試論之使者之使所

序作謂此恐誤謂告也願謂欲復用之也語曰仁不輕絕智不輕怨君之

於先王也世之所明知也寡人望有非則君掩蓋之

不虞君之明罪之也望有過則君教誨之不虞君之

明棄之也且寡人之罪國人莫不知天下莫不聞君

微出明怨以棄寡人輕遣政反下不輕同關君長曰莫不知新序作弗聞與下文

國人未知文意相似此恐行不字微密也不敢寡人

必有罪矣雖然恐君之未盡厚也諺曰厚者不毀久

以自益也仁者不危久以要名故掩人之邪者厚人

之行也救人之過者仁者之道也世有掩寡人之邪

救寡人之過非君心所望之今君厚受位於先王以

成尊輕棄寡人以快心則掩邪救過難得於君矣津盡

且世有薄而故厚施行有失而故惠用今使寡人任

不肖之罪而君有失厚之累於為君擇之也無所取

之施始致反任音壬下同為于偽反○故特也失過

也室不能相和出語鄰家未為通計也怨惡未見而

明棄之未為盡厚也寡人雖不肖乎未如殷紂之亂

也君雖不得意乎未如商容箕子之累也然則不內

蓋寡人而明怨於外恐其適足以傷於高而薄於行

也非然也苟可以明君之義成君之高雖任惡名不

難受也好呼報反語魚據反見賢遍反難乃旦反○

本欲以為明寡人之薄而君不得厚揚寡人之辱

而君不得榮此一舉而兩失也義者不虧久以自益

况傷久以自損乎願君無以寡人不肖累往事之美

或謂之曰可以去柳下惠曰苟與久之異惡往而不

黜乎猶且黜乎寧於故國爾惡音烏○柳下惠不以

三黜自累故前業不忘不以去為心故遠近無議今

三黜自累故前業不忘不以去為心故遠近無議今

後周園雅

卷九下

六

後周園雅

關君長曰美蓋謂受位以成尊之屬

猶猶均也

寡人之罪。國人未知。而議寡人者。徧天下。言間微出

柳下語曰。論不脩心。議不累物。仁不輕絕。智不簡功。

簡棄大功者。輟也。輕絕厚利者。怨也。輟而棄之。怨而

累之。宜在遠者。不望之乎。君也。謂君長曰。脩疑作循。謂循心所欲也。累物

猶害久。而累之累疑作絕。愚謂簡略也。輟止也。遠者謂疎遠之臣也。今以寡人無罪。君

豈怨之乎。願君捐怨。追惟先王。復以教寡人。復扶又

王有罪故間意。君曰。余且慝心以成。而過不顧先王。

以明而惡。使寡人進不得脩功。退不得改過。君之所

揣也。唯君圖之。此寡人之愚意也。敬以書謁之。意抑

用詳見秦策。慝疑當作慝。字之誤也。新序作快。義通而汝也。揣謂揣度成也。樂間樂乘怨

不用其計。二人卒留趙。不報。卒子律反

考異坊本攻代作攻伐。心所作孰一字。注云。元作恐。愚謂恐亦惡訛。一本受位作受任。蓋作盡。

新序同。坊本損乎下無願字。高本無簡棄之簡字。坊本無間樂之樂字。

秦并趙。北向迎燕。并音併。下同。○并猶合也。趙時合於秦。以兵北向迎燕師。燕王

聞之。使人賀秦王。使者過趙。趙王繫之。使者曰。秦趙

為一。而天下服矣。燕之所以受命於趙者。為秦也。今

臣使秦。而趙繫之。是秦趙有郤。秦趙有郤。天下必不

服。而燕不受命矣。且臣之使秦。無妨於趙之伐燕也。

趙王以為然而遣之。過音戈。除使人之使。餘並所吏反。下使者同。為秦之為于偽反。

下為王同。○為秦言為趙有秦也。使者見秦王曰。燕王竊聞秦并趙

燕王使使者賀千金。秦王曰：夫燕無道，吾使趙有之。子何賀？夫音扶。○有保，有之有。使者曰：臣聞全趙之時，南鄰為

秦，北下曲陽為燕，趙廣三百里，而與秦相距五十餘年矣。所以不能反勝秦者，國小而地無所取。今王使趙北并燕，燕趙同力，必不復受於秦矣。臣竊為王患之。秦王以為然，起兵而救燕。復扶又反。○鮑彪曰：反猶報也。言數為秦敗，不

能報而勝之，并燕謂兼有之。愚謂受謂趙受秦之制令也。

考異

坊本却作隙，妨作防，受下有命字。

燕太子丹質於秦，亡歸。見秦且滅六國，兵已臨易水，恐其禍至。質音致。○林西仲曰：太子丹患之，謂其太

傅鞠武曰：燕秦不兩立，願太傅幸而圖之。武對曰：秦

地遍天下，威脅韓魏趙氏，則易水以北，未有所定也。

奈何以見陵之怨，欲批其逆鱗哉？

批白結反。○定謂安處也，皆恐見滅。

故不能安處，見陵謂丹質於秦，秦遇之不善，批擊也。韓子曰：龍可擾而騎也，然喉下有逆鱗，徑尺，人有嬰之，則必殺人。太子曰：然則何由？林西仲曰：何太傅曰：人主亦有。

請入圖之。

鮑彪曰：請太子入息，已乃圖之。居之有間。關君長曰：未得其計，因為是言。

樊將軍亡秦之燕，太子容之。太傅鞠武諫曰：不可。夫

秦王之暴，而積怨於燕，足為寒心。又况聞樊將軍之

在乎，是謂委肉當餓虎之蹊，禍必不振矣。雖有管晏

不能為之謀也。願太子急遣樊將軍入匈奴以滅口。

請西約三晉南連齊楚北講於單于然後乃可圖也

夫音扶下除夫人餘皆同單音禪○積怨謂怨丹亡歸也寒心恐懼也凡入寒甚則心戰恐懼亦戰委置也振救也滅口謂秦無以樊將軍為辭單于匈奴號也太子丹曰太傅之計曠

日彌久心惛然恐不能須臾關君長曰心昏不知且其可恐禍至必速非獨於此也夫樊將軍困窮於天下歸身於丹丹終

不迫於強秦而棄所哀憐之交置之匈奴是丹命固卒之時也願太傅更慮之卒子律及下同○徐字遠曰太子事欲速就故不能

他圖而定計於刺客也鞠武曰燕有田光先生者其智深其勇沈可與之謀也沈亦深也太子曰願因太傅交於田先生

可乎鞠武曰敬諾出見田光道太子曰願圖國事於先生田光曰敬奉教乃造焉太子跪而逢迎却行爲

道跪而拂席造七到及下同爲道之道音導○却行不敢背之也田先生坐定左右無久太子避席而請曰燕秦不兩立願先生留

意也田光曰臣聞騏驥盛壯之時一日而馳千里至其衰也駑馬先之今太子聞光壯盛之時不知吾精

已消亡矣雖然光不敢以乏國事也所善荆軻可使也先之先西薦反○使任使也太子曰願因先生得交於荆軻可

乎田光曰敬諾即起趨出太子送之至門戒曰丹所報先生所言者國之大事也願先生勿泄也田光俛

而笑曰諾俚行見荆軻曰光與子相善燕國莫不知

今太子聞光壯盛之時不知吾形已不逮也幸而教之曰燕秦不兩立願先生留意也光竊不自外言足下於太子願足下過太子於宮荆軻曰謹奉教過音下

同○樓行謂光老不能正行也不逮不及壯盛之時也不自外謂所託事重故不自疎外太子也田光曰光聞長者之行不使人疑之今太子約光曰所言者國之大事也願先生勿泄也是太子疑光也夫為行而使人疑之非節俠士也欲自殺以激荆軻曰願足下急過太子言光已死明不言也遂自剄而死

長丁丈及下長者同為行之行下孟及○荀悅曰軻立氣勢作威福結私交以立強於世者謂之俠見太子言田光已死致光之言太子再拜而跪膝下

行流涕有頃而後言曰丹所請田先生無言者欲以成大事之謀今田先生以死明不泄言豈丹之心哉

史記無下字此恐衍林西仲曰言本心不意田光之歎荆軻坐定太子避席頓

首曰田先生不知丹不肖使得至前願有所道此天之所以哀燕而不棄其孤也關君長曰孤謂孤立無援若為丹自稱未允

今秦有貪饜之心而欲不可足也非盡天下之地臣海內之王者其意不饜今秦已虜韓王盡納其地又舉兵南伐楚北臨趙王翦將數十萬之眾臨漳鄴而李信出太原雲中趙不能支秦必入臣入臣則禍至燕燕小弱數困於兵今計舉國不足以當秦諸侯服

秦不敢合從。丹之私計，愚以為誠得天下之勇士，使於秦，窺以重利，秦王貪其贄，必得所願矣。誠得劫秦王，彼悉反，諸侯之侵地，若曹沫之與齊桓公，則大善矣。脫不可，因而刺殺之，彼大將擅兵於外，而內有大亂，則君臣相疑，以其間諸侯得合從，其償破秦必矣。此丹之上願，而不知所以委命，唯荆卿留意焉。盡津忍反

後許諾。林西仲曰：玩久之，然後四字，知荆軻初以太子

友不可徒死，又不得不諾。於是尊荆軻為上卿，舍上舍。太子日日

造問，供太牢，具異物，間進車騎美女，恣荆軻所欲，以

順適其意。久之，荆卿未有行意。秦將王翦破趙，虜趙

王，盡收其地，進兵北略地，至燕南界。太子丹恐懼，乃

請荆卿曰：「秦兵旦暮渡易水，則雖欲長侍足下，豈可

得哉？」騎奇寄反，恐丘勇反，下同。○略，荆卿曰：微太子

取也，言丹必死亡，故不得長侍。荆卿曰：「微太子

言，臣願得謁之。今行而無信，則秦未可親也。夫今樊

將軍，秦王購之金千斤，邑萬家，誠能得樊將軍首，與

燕督亢之地圖，獻秦王，秦王必說見臣，臣乃得有以

報太子。說音悅。○信謂贊也。親親近也。督太子曰。樊

將軍以窮困來歸丹。丹不忍以己之私而傷長者之

意。願足下更慮之。林西仲曰。別圖所以窺秦者。荆軻知太子不忍

乃遂私見樊於期曰。秦之遇將軍可謂深矣。父母宗

族皆為戮沒。今聞購將軍之首。金千斤。邑萬家。將奈

何。於期樊將軍名。樊將軍仰天太息流涕曰。吾每念常痛於

骨髓。顧計不知所出耳。軻曰。今有一言可以解燕國

之患而報將軍之仇者。何如。樊於期乃前曰。為之奈

何。荆軻曰。願得將軍之首以獻秦王。秦王必喜而善

見臣。臣左手把其袖而右手搃抗其胸。然則將軍之

仇報而燕國見陵之耻除矣。將軍豈有意乎。林西仲曰。搃擬

擊也。連劫刺都在內。抗抵也。樊於期偏袒扼腕而進曰。此臣日夜

切齒拊心也。乃今得聞教。遂自刎。林西仲曰。偏袒露其頸。扼腕按其掌

為自刎之狀。關君長曰。皆奮厲之貌。切齒拊心。不忍奮怒之意。太子聞之。馳往伏屍

而哭極哀。既已無可奈何。乃遂盛樊於期之首函封

之。於是太子預求天下之利七首。得趙人徐夫人之

匕首。取之百金。使工以藥淬之。以試人。血濡縷人無

不立死者。乃為裝遣荆軻。盛音成。淬。淬通。取內反。○

子也。愚謂。淬。燒劍而入水也。林西仲曰。血出僅如一

絲。言極少也。為裝治行裝。謂將匕首入督丸圖內。以

便貯之也。預求。言係平日所求者。燕國有勇士秦武

此時繼入裝。非臨時方求而得也。

後周園莊

陽年十三殺人不敢與忤視乃令秦武陽為副

呈反陳子龍曰詳語意以武陽十三時曾殺人未

必爾時方十三歲也豎子之稱如竟成豎子之名不

必幼童子也荆軻有所待欲與俱其人居遠未來而為留

待頃之未發太子遲之疑其有改悔乃復請之曰日

已盡矣荆卿豈無意哉丹請先遣秦武陽荆軻怒叱

太子曰今日往而不返者豎子也今提一匕首入不

測之強秦僕所以留者待吾客與俱今太子遲之請

辭決矣遂發為于偽反下嘉為前為為燕同復扶又

往而不返者言武陽敗事必死而太子及賓客知其

事者皆白衣冠以送之林西仲曰太子使人著至易

水上既祖取道高漸離擊筑荆軻和而歌為變徵之

聲士皆垂淚涕泣又前而為歌曰風蕭蕭兮易水寒

壯士一去兮不復還復為慷慨羽聲士皆瞋目髮盡

上指冠於是荆軻遂就車而去終已不顧和戶卧反

上時掌反下得上同祖行祭也地形訓曰變徵為

高蓋其聲悲蕭蕭風聲慷慨壯士不得志也羽聲蓋

壯林西仲曰既云取道則在道上且行且擊且歌也

故再加又前二字士指送行賓客及道路中有心人

以世無知己故悲復念己有以自見既至秦持千金

之資幣物厚遺秦王寵臣中庶子蒙嘉嘉為先言於

秦王曰燕王誠振畏慕大王之威不敢興兵以拒大

王願舉國為內臣比諸侯之列給貢職如郡縣而得

後周園莊

奉守先王之宗廟恐懼不敢自陳謹斬樊於期頭及獻燕之督亢之地圖函封燕王拜送於庭使使以聞大王唯大王命之秦王聞之大喜乃朝服設九賓見

燕使者咸陽宮

遺唯季及朝直遙反○劉伯莊曰九賓者周王之備禮天子臨軒九服同

會秦趙安得九賓仲亦陳設車輅文物爾不得以周禮九賓義為釋吳師道曰按前漢書大行設九賓恐

即秦儀也荆軻奉樊於期頭函而秦武陽奉地圖匣以次

進至陛下秦武陽色變振恐羣臣怪之荆軻顧笑武

陽前為謝曰北蠻夷之鄙人未嘗見天子故振懼願

大王少假借之使得畢使於前

奉芳勇反○懼懼也林西仲曰假借謂不

使下迫近威嚴致中其驚懼失儀也時匕首在地圖匣中武陽所執軻恐秦王竟喚武陽無所施其劫刺故為

此語欲下代武陽持圖上殿

秦王謂軻曰起取武陽所持圖軻既取

圖奉之秦王發圖圖窮而匕首見因左手把秦王之

袖而右手持匕首搤抗之未至身秦王驚自引而起

袖絕拔劍劍長操其室時惶急劍堅故不可立拔

遍反操七刀反○室鞘也秦王欲拔劍而劍長急遽把持其鞘荆軻逐秦王秦王環

柱而走羣臣驚愕卒起不意盡失其度而秦法群臣

侍殿上者不得持尺寸之兵諸郎中執兵皆陳殿下

非有詔不得上方急時不及召下兵以故荆軻逐秦

王而卒惶急無以擊軻而乃以手共搏之是時侍醫

夏無且以其所奉藥囊提荆軻

卒碎同下卒惶同夏戶雅反下同且七餘

反下同提都禮反下同○秦王之方環柱走卒惶急

不知所為左右乃曰王負劍王負劍遂拔以擊荆軻

斷其左股荆軻廢乃引其匕首以提秦王不中中柱

秦王復擊軻軻被八創軻自知事不就倚柱而笑箕

踞以罵曰事所以不成者乃欲以生劫之必得約契

以報太子也斷音短中丁仲反下同被皮寄反創音

之易於施力也關君長曰方提囊軻不得前而王能

負劍愚謂廢猶什也齊策犬廢於後箕踞坐形如箕

也約契復侵地之約契也林西仲曰既不得劫又不

能刺其自笑自罵之辭至此方恨生劫非策乃易視

羣臣及當坐者各有差而賜黃金二百鎰曰

無且愛我乃以藥囊提荆軻也坐才卧反差初佳反

者於是秦大怒燕益發兵詣趙詔王翦軍以伐燕十

月而拔燕薊城燕王喜太子丹等皆率其精兵東保

於遼東秦將李信追擊燕王王急用代王嘉計殺太

子丹欲獻之秦秦復進兵攻之五歲而卒滅燕國而

虜燕王喜秦兼天下其後荆軻客高漸離以擊筑見

秦皇帝而以筑擊秦皇帝為燕報仇不中而死林西

仲曰稱荆軻客以明軻客皆非常人惜軻為丹所疑不得

待客與俱也稱為燕報讐不及丹者明丹用不得高

漸離即用軻所以不能盡軻之用也

考異

一本六國下無兵字高本批作排坊本容作

後形圖我

坊本其勇沈沈而慮沈道太子下無日字高本傳
 交間有願字坊本得交下無於字即起作則起高
 本至門下無戒字坊本者國下無之字下同田光
 俛作田先俛之行作爲行高本爲行下無而字致
 光之言作明不言也坊本無言作不言高本以死
 作已死此天下無之字哀燕下無而字坊本鑿作
 刺王翦下無將字臨作距趙不下無能字不敢作
 莫敢彼悉作使悉諸本脫作則今從一本盧本彼
 大作使大坊本償下無破字上願下無而字高本
 大事下無也字坊本日造問作日造門下高本
 無具字盧本久之荆卿作荆軻坊本趙王下有遷
 字夫今作夫一字曾錢本金作懸金坊本無誠能
 之能字無爲之二字奈何下無荆字一本善見作
 召見坊本其袖下無而字堪作楫下無抗字此臣
 下有之字拍作腐下無也字夫人下無之字與忤
 視作特視二字疑其下無有字返作反無太子下
 及字曾本和無而字一本徵作濮曾本不復作
 不後坊本慷慨羽聲作羽聲忱慷指作衝畏幕作
 怖一字拒大王作逆軍吏獻燕下無之字期頭間
 有之字陛下無下字纂色變作變色坊本謂軻下

無日字高本奉之下無秦王二字坊本搃下無抗
 字高本袖絕作絕袖坊本操作摻高本時惶作時
 怨曾本作恐高本環並作還尺寸之兵作尺兵二
 字坊本陳下有於字高本無提下荆字下同坊本
 無秦王下之字高
 本良久下無已字

凡五章

戰國策正解卷九下 終

後周園莊

Blank page with faint bleed-through text from the reverse side.

戰國策正解卷十

橫田惟孝著

宋

景公

凡四章

公輸般為楚設機將以攻宋

般音班下同為于偽反公輸姓般名魯之巧

人也高誘曰機械雲梯之屬也

墨子聞之百舍重繭往見公輸般謂

之曰吾自宋聞子吾欲籍子殺王

重直龍反籍在夜反○墨子名翟宋

人也高誘曰百舍百里一舍也重繭累臆也愚謂籍借也言吾自在宋聞子將攻宋吾欲假借子殺宋王

公輸般曰吾義固不殺王墨子曰聞公為雲梯將以

攻宋宋何罪之有義不殺王而攻國是不殺少而殺

衆敢問攻宋何義也公輸般服焉請見之王見賢遍

誘曰梯長而高上至於雲故曰雲梯也楚欲廣土而起伐宋宋非有罪也故曰宋何罪之有乎愚謂王唯

一身故曰少國民衆多故曰衆見之王見翟於楚王也墨子見楚王曰今有人

於此舍其文軒鄰有敝輿而欲竊之舍其錦繡鄰有

短褐而欲竊之舍其梁肉鄰有糟糠而欲竊之此為

何若人也王曰必為有竊疾矣舍音捨高誘曰文軒文錯之車也愚謂

褐毛布賤者所服或作短褐下墨子曰荆之地方五

千里宋方五百里此猶文軒之與敝輿也荆有雲夢

犀兕麋鹿盈之江漢魚鼈黿鼉為天下饒宋所謂無

雉兔鮒魚者也此猶梁肉之與糟糠也荆有長松文

梓榿柎豫樟宋無長木此猶錦繡之與短褐也臣以

王吏之攻宋為與此同類也王曰善哉請無攻宋雲

澤名鮒小魚也長松以下五木大木也與此同類言與竊疾同類也

考異吳師道曰一本三殺王並作殺臣云人臣並而鄰反集韻云唐武后字作臣如臣字作臣

臣即人也坊本短並作短柎作柎樟作章請作請

梁王伐邯鄲而徵師於宋徵召宋君使使者請於趙

王曰夫梁兵勁而權重今徵師於敝邑敝邑不從則

恐危社稷若扶梁伐趙以害趙國則寡人不忍也願

王之有以命敝邑使者之使所吏及下同夫音扶趙

王曰然夫宋之不足如梁也寡人知之矣弱趙以強

梁宋必不利也則吾何以告子而可乎。高誘曰如當也梁強必兼

宋故宋不利之也鮑彪曰雖知宋不助梁然無辭使宋不聽梁使者曰臣請受邊城

徐其攻而留其日以待下吏之有城而已趙王曰善

邊城趙邊境之城也言不與梁攻邯鄲而別受邊城而攻之也徐緩也留稽留也關君長曰待及也有保

有也蓋言不失邯鄲不敢斥言之詞宋人因遂舉兵入趙境而圍一城

焉梁王甚說曰宋人助我攻矣趙王亦說曰宋人止

於此矣。說音悅○止於圍邊城矣言不與梁深入也故兵退難解德施於

梁而無怨於趙故名有所加而實有所歸。難乃且反解音蟹施

始致反○關君長曰名謂助梁救趙之名加於宋也實謂二國之交歸於宋也愚謂此記者之詞

考異 坊本無足字曾錢本臣作思自此至卷尾曾本皆然坊本吏作史亦下無說字

謂大尹曰君日長矣自知政則公無事。高誘曰大尹

宋卿也言宋王年日長大自能制法布政也則大尹無復有專政之事也愚按韓子事下有矣今君少主也而務名九字無公不如令楚賀君之孝則君不奪

太后之事矣則公常用宋矣。令力呈反○高誘曰事

后共為政太后不見奪政則大尹亦不見廢也故云常用於宋也關君長曰高注母字疑姊妹之訛

考異 韓子章首有白圭二字

宋與楚為兄弟。關君長曰約結和齊攻宋楚王言救

宋宋因賣楚重以求講於齊齊不聽。宋因楚將救己

於齊賣謂蘇秦為宋謂齊相曰不如與之以明宋之

街鬻之也賣楚重於齊也楚怒必絕於宋而事齊齊楚合則攻

戰國策上角

後周園雅

宋易矣為于偽反相息亮反易以

剔成凡一章

齊攻宋宋使臧子索救於荆荆王大說許救甚勸索

白反下同說音悅下同勸當作歡言與使者歡也說見趙策臧子憂而反其御曰

索救而得有憂色何也臧子曰宋小而齊大夫救於

小宋而惡於大齊此王之所憂也而荆王說甚必以

堅我我堅而齊敵荆之利也夫音扶解縉曰堅臧

子乃歸齊王果攻拔宋五城而荆王不至楚王許而不救果如

臧子之所意

考異一本臧下並有孫字許救下有之字坊本果下無攻字

君偃凡一章

宋康王之時有雀生鷩於城之陬使史占之曰小而

生巨必霸天下高誘曰康王辟公之子剔成弟鷩王

妖祥康王無道不敢正對故云必霸天下危行言孫太史在焉愚按字書無鷩字姚宏曰新序爵生鷩按

通鑑作鷩集覽云鷩字韻書無之正誤說苑作鷩字林云鷩屬恐古字亦作鷩是疑鷩為鷩此說似是

康王大喜於是滅滕伐薛取淮北之地乃愈自信欲

霸之亟成故射天笞地斬社稷而焚滅之曰威服天

下鬼神罵國老諫臣為無顏之冠以示勇剖偃之背

鏃朝涉之脛而國人大駭射食亦反下當作地新

冠鮑彪曰冠不覆額愚按韓子蔣席額綠白虎通象刑者以衣服象五刑也云云犯大辟者布其衣裾而

無顏綠是額顏同義蓋冠無齊聞而伐之民散城不

守王乃逃倪侯之館遂得而死見祥而不為祥反為

禍新序得下有病字此恐脫落不為謂不脩德也言宋恃祥而不修德故祥反為禍也

考異坊本至作速

凡六章

衛

靈公凡一章

衛靈公近癰疽彌子瑕二人者專君之勢以蔽左右

近附近之近○近近狎也癰疽人姓名也韓子作癰

長曰言專擅君之權勢以掩蔽其明使不知左右之人復塗偵謂君曰昔日臣

夢見君君曰子何夢曰夢見竈君君忿然作色曰吾

聞夢見人君者夢見日今子奚為夢見竈君而言君

也有說則可無說則死昔日猶言夕者對曰日并燭天下者

也一物不能蔽也若竈則不然前之人煬則後之人

無從見也今臣疑人之有煬於君者也是以夢見竈

君君曰善於是因廢癰疽彌子瑕而立司空狗併音煬

音揚○煬對火也淮南子富人衣纂錦貧人煬竈只

關君長曰後之人無從見猶言無從見後之人也

人當竈以喻蔽君明也愚按此章元在趙策蓋策士

考異諸本奚為作曰一

悼公 凡三章

犀首伐黃過衛使人謂衛君曰敝邑之師過大國之

郊曾無一介之使以存之乎敢請其罪今黃城將下

矣已將移兵造大國之城下過音下同之使之下

見秦策黃國名也關君長曰已猶孫行說

衛君懼束組三百緄黃金三百鎰以隨使者高誘曰

紛綬之屬也十南文子止之曰是勝黃城必不敢來

不勝亦不敢來是勝黃城則功大名美內臨其倫夫

在中者惡臨議其事蒙大名挾成功坐御以待中之

議犀首雖愚必不為也夫音扶惡鳥路反○南文子

功處其上倫輩類也議謂諧短之坐猶居也言勝黃

是不勝黃城破心而走歸恐不免於罪矣彼安敢攻

衛以重其不勝之罪哉破心恐懼果勝黃城師

而歸遂不敢過衛

智伯欲伐衛遺衛君野馬四百白

駒駘也四百乘也璧玉環也肉倍野馬好曰璧愚按高注百下疑脫百字皆

賀南文子有憂色衛君曰大國大懼而子有憂色何

說音悅○關君長曰大文子曰無功之賞無力之禮

不可不察也野馬四百璧一此小國之禮也而大國

致之君其圖之小國之禮言小國事大國之禮衛君以其言告邊境

智伯果起兵而襲衛。至境而反。曰：衛有賢人，先知吾謀也。反還也。

考異

坊本無白字，一本大國作二。國坊本小國之禮下無也字。

智伯欲襲衛，乃佯亡其太子，使奔衛。南文子曰：太子顏為君子也，甚愛而有寵，非有大罪，亡必有故。使人迎之於境，曰：車過五乘，慎勿納也。伯聞之乃止。

乘繩證反。顏太子名君子，猶君之子也。

考異

高本連前章。

嗣君

凡五章。

秦攻衛之蒲，胡行謂樗里疾曰：公之伐蒲，以為秦乎？

以為魏乎？為魏則善，為秦則不賴矣。衛所以為衛者，以有蒲也。今蒲入於魏，衛必折於魏，魏亡西河之外，而弗能復取者，弱也。今并衛於魏，魏必強，魏強之日，西河之外必危。且秦王亦將觀公之事，害秦以善魏，秦王必怨公。除為衛之為，餘并于偽反，下為公同，復扶又反，并音併。○高誘曰：蒲，衛邑也，賴利也。衛知必失蒲，必自入於魏以求援也。西河，魏邑也。秦兼取之，魏弱於秦，故云不能取魏得衛而強，必更取西河之外，故危。樗里疾曰：奈何？胡行曰：公釋蒲勿攻。臣請為公入戒蒲守，以德衛君。樗里疾曰：善。守手又反。

病也。其言曰：吾必取蒲。今臣能使釋蒲勿攻，蒲守再

拜。因効金三百鎰焉。曰：秦兵誠去，請厚子於衛君。言使衛君厚待胡行，胡行取金於蒲，以自重於衛。擣里子亦得三百金而歸，又以德衛君也。

考異

坊本無復字

衛使客事魏，三年不得見衛客，患之。乃見梧下先生。

許之以百金。

高誘曰：先生長者，有德者稱家，有大梧樹，因以為號。若柳下惠，愚謂許之以百

金謂使客得見魏王許與之以百金，梧下先生曰：諾。乃見魏王曰：臣聞

秦出兵，未知其所之。秦魏交而不脩之日久矣。願王

專事秦，無有他計。魏王曰：諾。

高誘曰：温故曰脩。

客趨出，至郎

門而反曰：臣恐王事秦之晚。

客梧下也，郎即廊，鮑彪曰：佯若不為衛客，偶思

念得

王曰：何也？先生曰：夫人於事已者，過急於事人

者，過緩。今王緩於事已者，安能急於事人。

夫音扶，過猶甚也。

奚以知之？

王問也。

衛客曰：事王三年不得見，臣是以知

王緩也。魏王趨見衛客。

趨音促，疑當在衛上，曰字

考異

高本專作博，一本郎門作郭門，坊本是以作以是。

衛嗣君時，胥靡逃之魏，衛贖之百金，不與。乃請以左

氏。高誘曰：嗣君，衛平侯之子也。秦王賤其號為君也。愚謂胥靡，或云腐刑，或云相隨坐輕刑之名，未知孰是。左氏，衛邑也。吳師道曰：衛君贖之者，耻其失政廢刑爾。羣臣諫曰：以百金之

地贖一胥靡，無乃不可乎？

地指左氏君曰：治無小亂，

無大教化，喻於民，三百之城，足以為治。民無廉耻，雖

有十左氏將何以用之

治直吏反○碻哲夫曰百恐里誤愚謂言雖小國無不治

雖大國無不亂教化喻於民則地雖小足以為治所謂治無小也上失政廢刑下無廉耻則地雖大將何以用之所謂亂無大也

考異

坊本以百作一百

衛嗣君病富術謂殷順且曰子聽吾言也以說君勿

益損也君必善子

且七餘反下同說始銳反○勿益損謂使之一如其教

人生

之所行與死之心異始君之所行於世者食高麗也

所用者縹錯拏薄也羣臣盡以為君輕國而好高麗

必無與君言國事者

盡津忍反好呼報反○死猶將死也食字恐行高麗猶甚美也

謂好觀美縹錯拏薄二臣名子謂君君之所行天下者甚縹縹錯

主斷於國而拏薄輔之自今以往者公孫氏不血食

矣

斷丁亂反○關君長曰諸侯之子曰公子公子之子曰公孫蓋臣不敢斥言君之滅亡泛言子孫故

曰公孫氏愚按呂子長利篇晏子與崔杼盟其辭曰不與崔氏而與公孫氏者受其不祥注公孫氏齊羣

公子之子故曰公孫氏

君曰善與之相印曰我死子制之嗣君

死殷順且以君令相公期縹錯拏薄之族皆逐也

息相

亮反○高誘曰公期嗣君子也

考異

坊本相公下有子字逐下有之字

衛人迎新婦婦上車問驂馬誰馬也御曰借之新婦

謂僕曰拏驂無笭服車至門扶教送母曰滅竈將失

火入室見曰曰徙之牖下妨往來者主人笑之此三

言者皆要言也。然而不免為笑者，蚤晚之時失也。時上

掌反。○高誘曰：拍擊也。兩旁曰驂，轅中曰服，擊其驂則中兩服馬不勞。答也。愚謂扶下疑脫。下字謂人扶婦下車送母，母送婦者，是蓋為交淺言深也。首尾必有闕文。李元齡曰：此言必有為而喻，今不全得之矣。

考異

高本無母下曰字。坊本要作至。

凡九章

中山

樂羊為魏將攻中山。其子時在中山。中山君烹之作

羹，致於樂羊。樂羊食之。古今稱之。將子匠反。○樂羊

食子以自信，明害父以求法。鮑彪曰：此害於父道而羊為之求為徇國之法。

也。關君長曰：此著書者之詞。

考異

坊本稱之下有曰字。食子間有其字。

犀首立五王而中山後持。五疑當作三。三王謂燕趙

趙為王，可以見矣。後持謂始立二王之後，中山執持爭之而為王也。齊謂趙魏曰：寡人

羞與中山並為王，願與大國伐之，以廢其王。以中山小國故

齊羞並為王伐之，使不得稱王也。中山聞之大恐，召張登而告之曰：

寡人且王。齊謂趙魏曰：羞與寡人並為王，而欲伐寡

人，恐亡其國，不在索王。非子莫能吾救。大恐之恐丘

必恐同。索所白反。○鮑彪曰：今所謀者，救亡爾，不求為王。登對曰：君為臣多車重

幣，臣請見田嬰。中山之君遣之。為于偽反。下為齊見

嬰子曰。臣聞君欲廢中山之王。將與趙魏伐之。過矣。以中山之小。而三國伐之。中山雖益廢王。猶且聽也。且中山恐必為趙魏廢其王。而務附焉。是君為趙魏驅羊也。非齊之利也。豈若中山廢其王。而事齊哉。

齊見齊之齊。疑當作登。鮑彪曰。益猶甚也。言事有甚於此者。愚謂恐謂恐亡其國。附謂親附趙魏。羊疑當作中山。蓋二字誤合。而田嬰曰。奈何。張登曰。今君召中山與

為羊也。下同。之遇而許之王。中山必喜而絕趙魏。趙魏怒而攻中山。中山急而為君難其王。則中山必恐。為君廢王事齊。彼患亡其國。是君廢其王而立其國。賢於為趙魏驅羊也。田嬰曰。諾。難乃且反。○為君難其王。言中山以為齊難已為王也。張丑

曰。不可。臣聞之。同欲者相憎。同憂者相親。今五國相與王也。負海不與焉。此是欲皆在為王。而憂在負海。今召中山。與之遇而許之王。是奪五國。而益負海也。致中山而塞五國。五國寒心。必先與之王。而故親之。是君臨中山而失五國也。且張登之為久也。善以微計。薦中山之君久矣。難信以為利。塞先北反。○關君得之。而相憎。同憂者。欲人助之。而相親。愚謂五國蓋楚魏趙韓燕也。負海齊也。言五國相與王中山。而齊獨不欲與之。為王。是五國之所欲。皆在王中山。而其所欲。在齊之與焉。奪五國。謂奪五國之所欲也。致猶來也。塞不通也。謂絕好也。故特也。言齊致中山。五國懼。必先與中山。並為王。而特親厚之。臨猶臨御也。微計。謂密策也。田嬰不聽。果召中山君而許之王。張登因謂

趙魏曰齊欲伐河東何以知之齊羞與中山之為王甚矣今召中山與之遇而許之王是欲用其兵也豈若令

大國先與之王以止其遇哉趙魏許諾果與中山王而親之中山果絕齊而從趙魏河東魏地關君長曰疑行今字大國趙魏

考異

坊本嬰中山下無之字奪五國以下並作四國注云元作五今從元本之為作並為

中山與燕趙為王齊閉關不通中山之使其言曰我

萬乘之國也中山千乘之國也何侂名於我欲割平

邑以貽燕趙出兵以攻中山使所吏反下重使使者同乘繩證反下同○侂

也藍諸君患之司馬貞曰戰國策望諸作藍諸吳師道曰燕策望諸相中山恐即此人與

樂毅同號者張登謂藍諸君曰公何患於齊藍諸君曰齊

強萬乘之國耻與中山侂名不憚割地以賂燕趙出

兵以攻中山燕趙好位而貪地吾恐其不吾據也大

者危國次者廢王奈何吾弗患也好呼報反○關君長曰位蓋尊位言

定公欲之乎藍諸君曰此所欲也令力呈反○關君長曰言成中山為

王之事遂定曰請以公為齊王而登試說公可乃行之說始

銳反下說齊同藍諸君曰願聞其說登曰王之所以不憚割

地以賂燕趙出兵以攻中山者其實欲廢中山之王

也王曰然然則王之為費且危夫割地以賂燕趙是

強敵也出兵以攻中山首難也王行二者所求中山

後周園莊

未必得。王如用臣之道，地不虧而兵不用，中山可廢也。王必曰：子之道奈何？夫音扶，難乃旦反。○關君長曰：為謂其所為也，費謂割地。使告中山君曰：寡人所以閉關不通使者，為中山之獨與燕趙為王，而寡人不與聞焉。是以隘之。王苟舉趾以見寡人，請亦佐君。中山恐燕趙之不已據也，今齊之辭云：即佐王。中山必遁燕趙，與王相見。燕趙聞之，必怒絕之。王亦絕之。是中山孤孤，何得無廢？以此說齊王，齊王聽乎。為中之為于偽反，與聞之與音預。○隘塞也，即謂閉關不通使者。藍諸君曰：是則必聽矣。此所以廢之，何在其所以存

之矣。高誘曰：言以此說齊，齊必從。然張登曰：此王所適足廢其王耳，何所以存之利。以存者也。齊以是辭來，因言告燕趙而無往，以積厚於燕趙。燕趙必曰：齊之欲割平邑以賂我者，非欲廢中山之王也。徒欲以離我於中山而已親之也。雖百平邑，燕趙必不受也。藍諸君曰：善。遣張登往，果以是辭來。中山因告燕趙而不往。燕趙果俱輔中山，而使其王事遂定。離力智反。○無往，不往齊也。厚，謂厚德也。

考異坊本千乘作百乘，位作倍，趾作玉，趾二字。佐王下無中山二字，高本聞之下無必字。

司馬憲使趙為已求相中山。公孫弘陰知之。使所使及下同。

為于偽反，下為已為司同，相息亮反，下同。○高誘曰：憲，中山臣也，使於趙為已求相於中山也。

君出司馬憲御公孫弘參乘弘曰為人臣招大國之威以為已求相於君何如君曰吾食其肉不以分人

乘繩證反○關君長曰食盡其肉而不饜不敢以分人司馬憲頓首於軾曰臣

自知死至矣君曰何也臣抵罪君曰行吾知之矣抵當

也鮑彪曰行使之行車二人雅不相善弘無故云然似欲中憲者故知居頃之趙使來

為司馬憲求相中山君大疑公孫弘公孫弘走出君關

長曰中山君以為其與趙有陰而知之因大疑弘也陸深曰弘中司憲而先露言故憲得反客為主以中

公孫妙哉

考異

坊本憲並作善下章同參乘下有公孫二字何也下有曰字

司馬憲三相中山陰簡難之相息亮反難乃旦反下同○陰簡中山君美人

也難也田簡謂司馬憲曰趙使者來屬耳獨不可語陰

簡之美乎趙必請之君與之即公無內難矣君弗與

趙公因勸君立之以為正妻陰簡之德公無所窮矣

使所吏反下同屬音燭○屬耳私語也謂憲與趙使者語中國之陰事果令趙請之君弗

與令力呈反下同○憲從簡言令司馬憲曰君弗與

趙趙王必大怒大怒則君必危矣然則立以為妻固

無請人之妻不得而怨人者也言趙王必不怒田簡自謂取

使可以為司馬憲可以為陰簡可以令趙勿請也于為

偽反○關君長曰自由也言由謂憲取使者之歡也為司馬憲謂無內難為陰簡謂立為正后此記者之言

考異

坊本自謂作自為

陰姬與江姬爭為后

陰姬即陰簡江姬亦美人也

司馬熹謂陰姬

公曰事成則有土子民不成則恐無身欲成之何不

見臣乎

公父也言陰姬得為后則父得封否則禍及父

陰姬公稽首曰誠如

君言事何可豫道者

稽遣禮及○關君長曰

司馬熹

即奏書中山王曰臣聞弱趙強中山

聞字疑涉下文而誤行或能字

中山王說而見之曰願聞弱趙強中山之說王說

音悅下大說不說同司馬熹曰臣願之趙觀其地形險阻人民

貧富君臣賢不肖尚敵為資未可豫陳也中山王遣

之開君長曰商較敵勢為戰之資見趙王曰臣聞趙天下善為音佳

麗人之所出也今者臣來至境入都邑觀人民謠俗

容貌顏色殊無佳麗好美者以臣所行多矣周流無

所不通未嘗見人如中山陰姬者也不知者特以為

神人言不能及也其容貌顏色固已過絕人矣若乃

其眉目准頰權衡犀角偃月彼乃帝王之后非諸侯

之姬也

權頰通○徒歌曰謠以臣之以恐衍言不能及謂言之不足盡其美也准鼻頭頰頰權輔

骨衡眉上犀角首骨偃月額骨也趙王意移大說曰吾願請之何如

司馬熹曰臣竊見其佳麗口不能無道爾即欲請之

是非臣所敢議願王無泄也司馬熹辭去即若歸報

中山王曰趙王非賢王也不好道德而好聲色不好

仁義而好勇力。臣聞其乃欲請所謂陰姬者。中山王作色不說。司馬憙曰：趙強國也。其請之必矣。王如不與。即社稷危矣。與之。即為諸侯笑。中山王曰：為將奈何。司馬憙曰：王立為后。以絕趙王之意。世無請后者。雖欲得請之。鄰國不與也。中山王遂立以為后。趙王亦無請言也。好呼報反。高誘曰：禮無請。后之義。鄰國必責之而不與。

考異

坊本連前章于民作得民通作至固已作固以若下無乃字

主父欲伐中山。使李疵觀之。李疵曰：可伐也。君弗攻。恐後天下。高誘曰：主父趙武靈王也。疵趙臣也。主父曰：何以對。曰：中山之君所傾蓋與車而朝窮閭隘巷之士者七十家。直朝

遙反下同。窮閭隘巷。不容高蓋駟馬。故傾之也。

主父曰：是賢君也。安可伐。

李疵曰：不然。舉士則民務名不存。本朝賢則耕者惰。而戰士懦。若此不亡者未之有也。鮑彪曰：本謂農業。情懦皆不強力也。

以賢者不耕戰故

考異

坊本疵作疵。車下有者字。

中山君饗都士大夫。司馬子期在焉。羊羹不遍。司馬

子期怒而走於楚。說楚王伐中山。

說始銳反。都士大夫謂諸都邑之

士大夫也。閭若墟曰：都與邑雖有大小。君所居民所聚有宗廟及無之別。其實古多通稱。如商邑翼翼。四方之極。既伐于崇。作邑于豐。此都稱邑之明徵也。趙良曰：君何不歸十五都。孟子曰：王之為都者。此邑稱都之明徵也。不遍。不及子期也。中山君亡。有二人挈戈而隨其後者。

中山君顧謂二人子奚為者也。二人對曰：臣有父嘗
 餓且死，君下壺滄餌之。臣父且死，曰：中山有事，汝必
 死之。故來死君也。謂戎事死君謂為君死也。中山君謂戎事死君謂為君死也。中山君
 喟然而仰歎曰：與不期衆少，其於當厄，怨不期深淺。
 其於傷心，吾以一杯羊羹亡國，以一壺滄得士二人。

高誘曰：言人之施與，不期多少，當其厄之時，而惠及之，必厚德已也。一滄之施，而有二子之報，人之相怨，不在深淺也。苟傷其心，則怨重也。羊羹不遍，而有出亡之患也。

考異

坊本擊作翠，滄作食。一本作殮，坊本餌之。作臣父，纂士二人作二死士，盧本同。

魏文侯欲殘中山。高誘曰：殘滅之也。常莊談謂趙襄子曰：魏
 并中山，必無趙矣。公何不請公子傾以為正妻，因封

之中山，是中山復立也。

并音併，復扶又反。○高誘曰：常莊談，襄子臣也。并兼也。兼

有中山必復以次取趙，公子傾，魏君之女，封之於中山，以為邑，是則中山不殘也。故云中山復立，猶存也。

考異

一本以上二章在下，樂羊為魏將，章之前，坊本襄作桓。

凡九章

戰國策正解卷十終

凡以章
 卷十
 往周屋飛
 中山女中山野立山
 本聚刊
 羊
 中山野立山
 往周屋飛

文政十二年

已丑十月刻成

雁金屋青山堂藏版

小石川区傳通院前大門町

東都書林

青山清吉



大阪市南区心齋橋通南

關西賣捌所

松村九兵衛

